

四庫全書

史部

欽定四庫全書

史部

水經注集釋訂訛卷

三十八至  
四十八

詳校官監察御史

臣周元良

刑部郎中

臣

許兆椿覆勘

總校官原任中允

臣王燕緒

校對官中書

臣吳裕德

謄錄監生

臣宋學濂

欽定四庫全書

水經注集釋訂訛卷三十八

歸安沈炳巽撰

資水

漣水

湘水

灑水

溱水

資水出零陵都梁縣路山

都梁縣今為湖廣寶慶府武剛州資水在府城北源出

州紘寧縣北合邵水

資水出武陵郡無陽縣界唐紘山蓋路山之別名也

謂之大溪水東北逕邵陵郡武置縣南縣分都梁之  
所置也縣左右二置對峙重岨齊秀間可二里舊傳  
後漢伐五溪蠻蠻保此置故曰武置縣即其稱焉大  
溪逕建興縣南又逕都梁南漢武帝元朔五年為長  
沙定王子敬侯定之邑也縣西有小山山上有淳水  
宋本作  
淳水既清且淺其中生蘭草綠葉紫莖芳風藻

川蘭馨遠馥俗謂蘭為都梁山因以號縣受名焉

東北過夫夷縣

今為武岡州及新寧縣其故  
城在州東北二百四十里

夫水出縣西南零陵縣界少延山東北流逕扶陽縣

南本零陵之夫夷縣也

明一統志夫夷水在新寧縣南源出廣西全州界過此至

邵陽會資水

漢武帝元朔五年以封長沙定王子敬侯義

之邑也夫水又東注邵陵水謂之邵陵浦口水也當作

浦水口

東北過邵陵縣之北

今為寶慶府治

縣治郡下南臨大溪水逕其北謂之邵陵水

明一統志邵水

在寶慶府城北源出邵陽縣龍山徑馬鞍山諸葛孔明廟下號相公潭深不可測流合資水

魏咸

熙二年吳寶鼎元年孫皓分零陵北部立邵陵郡於  
邵陵縣縣故邵陵也溪又東得高平水口水出武陵  
郡沅陵縣首望山西南流高平縣南又東入邵陵縣  
界南入於邵水邵水又東會雲泉水水出零陵永昌  
縣雲泉山西北流逕邵陵南縣故昭陽也漢志長沙國有昭陵  
縣此當作昭陵雲泉水又北注邵陵水謂之邵陽疑作陵水口  
自下東北出益陽縣其間逕流山峽名之為茱萸江  
蓋水變名也

又東北過益陽縣北

今寶慶府新化縣及長沙府之益陽安化等縣常德府之流江縣皆

漢益陽縣地

縣有關羽瀨所謂關侯灘也南對甘寧故壘

昔關羽屯軍水北孫權令魯肅甘寧拒之於是水寧

謂肅曰羽聞吾咳唾之聲不敢渡也渡則成擒矣羽

夜聞寧處分曰興霸聲也遂不渡茱萸江

明一統志茱萸江在

寶慶府城北四十里水勢險惡昔人置銅柱于岸側以固牽挽俗謂五十三灘四十八灘此其首也又

東逕益陽縣北又謂之資

疑謠當作益

水應劭曰縣在益

水之陽今無益水亦或資水之殊目矣然此縣之左

右處處有深潭漁者或輕舟委浪謠詠相和羅君章  
所謂其聲綿邈者也水南十里有井數百口淺者四  
五尺深者或三五丈亦不測其深古老相傳昔人以  
杖撞地輒便成井或云古人採金沙處莫詳其實  
也

又東與沅水合於湖中東北入於江也

湖即洞庭湖也所入之處謂之益陽江口

漣水出漣道縣西資水之別

明一統志漣水在長沙府  
湘鄉縣東南有二源一出



寶慶府邵陽縣界龍山  
一出安化縣界玲連山

水出邵陵縣界南逕連道縣縣故城在湘鄉縣

今屬長沙

府西一百六十里控引衆流合成一溪東入衡陽湘

鄉縣歷石魚山下多玄石高八十餘丈廣十里石

色黑而理若雲母開發一重輒有魚形鱗鬣首尾宛

若刻畫長數寸魚形備足燒之作魚膏腥因以名之

連水又逕湘鄉縣南臨連水本屬零陵長沙定王子

昌邑

漢表哀帝建平四年封長沙王子昌為湘鄉侯疑非定王子

連水又屈逕其縣

東而入湘南縣也

東北過湘南縣南

今為長沙湘潭湘鄉二縣

又東北至臨湘縣西南

今為瀏陽醴陵二縣

東入于湘

漣水自湘南縣東流至衡陽湘西縣

晉界入於湘水

也於臨湘縣為西南者矣

湘水出零陵始安縣陽海山

始安縣今為廣西桂林府治及所轄各縣湘水源

出廣西桂林府興安山陽海山流逕湖廣永州府界至湘口與瀟水合水至清雖十丈見底

即陽朔山也應劭曰湘出零陵山

何氏云漢書臨湘縣注中無陵字

蓋山之殊名也山在始安縣北縣故零陵之南部也

魏咸熙二年孫皓之甘露元年立始安郡湘灘同源

分為二水南為灘水北則湘川

明一統志湘灘二水源出陽海山流五里

分為二南為灘水又名桂江行二百里合癸水至桂林府城下合相思江入梧州界北為湘水合越城嶠

水至全州又合洸灌二水入永州界東北流羅君章湖中記曰湘水之

出於陽朔則觴為之舟至洞庭日月若出入於其中

也

東北過零陵縣東

越城嶠水南出越城之嶠嶠即五嶺之西嶺也秦置

五嶺之戍是其一焉北至零陵縣下注湘水湘水又

逕零陵縣南又東北逕觀陽

陽下當有縣字觀陽縣本漢零陵縣吳析置今

作灌陽縣屬桂林府灌水在縣南九十里流逕全州入于湘水

與觀水合水出臨賀

郡之謝沐縣界西北逕觀陽縣西縣蓋即水為名也

又西北流注於湘川謂之觀口也

又東北過洮陽縣東

今為桂林府全州洮水在州北五十里源出文山下流入湘水

洮水出縣西南大山

明一統志作文山

東北逕其縣南即洮

水以立稱矣漢武元朔五年封長沙定王子節侯拘

為侯國

按史表作洮陽靖侯劉狗羸漢表作洮梁靖侯守燕此云節侯拘誤但狗羸何可命名恐

是史表之誤當從漢表為是

王莽更名之曰洮治也其水東流注

於湘水

又東北過泉陵縣西

今永州府治及諸屬縣

營水出營陽冷道縣

今永州府道州寧遠縣

南流

疑當山明一統志

營山在道州西四十五里營水在馬水在州西東流與池池水合至宜陽鄉與舜源水瀟水合又轉至單

江至永州府入湘

西流入九疑山下磐基蒼梧之野峯秀數

郡之間羅巖九舉各導一溪岫壑負岨異嶺同勢遊

者疑焉故曰九疑山

六一統志九疑山在寧遠縣南六十里郭璞云其山九谿皆相

似或云九峯參差互相隱映望而疑之故名峯各有一水四水流灌于南海五水北注于洞庭九峯曰朱

明石城石樓娥皇舜源女英蕭韶桂林杞林

大舜窆其陽商均葬其陰山

南有舜廟前有石碑文字缺落不可復識自廟仰山

極高直上可百餘里古老相傳言未有登其峰者山

之東北冷道縣界又有舜廟縣南有舜碑碑是零陵

太守徐儉立營水又西逕營道縣

今道州及寧遠縣

馮水注

之水出臨賀郡馮乘縣

臨賀郡吳置本漢臨賀縣吳以縣置郡自唐宋俱曰賀州

今為賀縣屬平樂府馮乘縣今為永州府江華縣

東北馮置其水導源西北

流縣馮溪以託名焉馮水帶約衆流渾成一川謂之

北渚歷縣北西至關下關下地名也是商州疑作舟改

裝之始馮水又左合萌渚之水水南出于萌渚之嶠

五嶺之第四嶺也

萌渚嶠今曰臨賀嶺在賀縣境廣州記云大庾姑安臨賀桂陽揭陽

是為其山多錫亦謂之錫方矣渚水北逕馮乘縣西

而北注馮水馮水又逕營道縣而右會營水營水又

西北屈而逕營道縣西王莽之九疑亭也營水又東

北逕營浦縣南

今永州府永明縣

營陽郡治也魏咸熙二年

吳孫皓分零陵置在營水之陽故以名郡以疑衍營

水又北都溪水注之水出春陵縣北二十里仰山南

逕其縣西縣本泠道縣春陵鄉蓋因春溪為名矣明

統志春陵故城在寧遠縣北五十里漢泠道縣有春陵鄉晉以後有春陵縣隋省入營道按漢志南陽郡

亦有春陵縣此蓋因長沙定王曾孫孝侯仁請改封故移其名于此非即此春陵也漢記云元朔五年以

零陵泠道之春陵鄉封長沙王子買為春陵侯至戴侯仁以春陵地形下濕上書徙南陽元帝許之以蔡



陽白水鄉徒仁為春陵侯立春陵縣屬南陽郡又按漢表賈子戴侯熊渠熊渠子孝侯仁今漢記云戴侯

仁是并兩世為一世矣疑誤

漢長沙定王分以為縣武帝元朔五

年封王中子買為春陵節侯縣故城東又有一城東

西相對各方百步古老相傳言漢家舊城漢稱猶存

知是節侯故邑也城東角有一碑文字缺落不可復

識東南二十里尚有節侯廟都溪水又南逕新縣東

縣東傍都溪溪水又西逕縣南左與五溪俱會縣有

五山山有一溪五水會于溪門

初學記引此作縣門故曰都溪

也都溪水自縣又西北流逕泠道縣北與泠水合水  
南出九疑山北流逕其縣西南縣指泠溪以即名王  
莽之泠陵縣也泠水又北流注于都溪水又西北入  
於營水溪水又北流注于營陽峽又北至觀陽縣而  
出于峽矣大小二峽之間為沿泝之極艱矣營水又  
西北逕泉陵縣西漢武元朔五年以封長沙定王子  
節侯賢之邑也王莽名之曰溥潤漢志作溥潤零陵郡治  
故楚矣漢武帝元鼎六年分桂陽置太史公曰舜葬

九疑實惟零陵或作零郡取名焉王莽之九疑郡

也下邳陳球為零陵太守桂陽賊胡蘭攻零陵激流

灌城球輒于內因地勢反決水淹賊相拒不能下後漢

書陳球傳球字伯真下邳淮浦人也官侍御史時桂陽賊李研等作亂羣聚寇鈔陸梁荆部以球為零陵

太守球到設方畧賊虜消散而州兵朱蓋等與桂陽賊胡蘭數萬人轉攻零陵零陵下濕編木為城不可

守備郡中惶恐球率吏人老弱與共城守弦大木為弓羽矛為矢引機發之遠射千餘步多所殺傷賊復

激灌城球輒于內因地勢反決水淹賊相拒不能下會救兵至因其破斬朱蓋等賜錢五十萬拜子一人

為縣有白土鄉零陵先賢傳曰鄭產字景載泉陵人

也為白土晉夫

宋本作  
晉夫

漢末多事國用不足產子一

歲輒出口錢民多不舉子產乃勅民勿得殺子口錢

當自代出產言其郡縣為表上言錢得除更名白土

為更生鄉也晉書地道志曰縣有香茅氣甚芬香言

貢之以縮酒也營水又北流注于湘水湘水又東北

與應水合水出邵陵縣

晉志邵陵縣  
屬邵陵郡

歷山崖燈嶮

峻踞萬尋澄淵湛于上

疑作  
下

應水涌於上東南流逕

應陽縣南晉分觀陽縣立蓋即應水為名也應水又

東南流逕有鼻墟南

在今零陵縣宋甄范云道州永州之間有地名鼻亭窮崖絕澗

非人跡可歷去兩州各二百餘里舜封象于有庫蓋北也

王隱曰應陽縣本泉陽

之北部東五里有鼻墟言象所封也山下有象廟言

甚有靈能興雲雨余所聞也聖人之神曰靈賢人之

精氣為鬼象生不惠死靈何寄乎

明一統志象祠故址在道州城北六

十里相傳象封于此後人祠祀之唐道州刺史薛伯高毀其祠柳宗元作斥鼻亭神記其畧曰薛公由刑

部郎中刺道州考民風披地圖得其祠駭曰象之道以為子則傲以為弟則賊君有鼻而天子之吏實理

以惡德而專世祀殆非化吾人之意哉命江應水又東

南流而注于湘水湘水又東北得沱口水出永昌縣

晉置廢縣在今祁陽縣北羅山東南流逕石鸞山東

其山有石紺而狀鸞因以名山其石或大或小若母

子焉及其雷風相薄則石鸞羣飛頡頏如真鸞矣羅

君章云今鸞不必復飛也其水又東南逕永昌縣南

又東流注于湘水又上當有湘水字又東北逕祁陽縣南今屬

永州府又有餘溪水注之水出西北邵陵郡邵陵縣東

南流注于湘其水濁揚清汎濁水色兩分湘水又北

與宜溪水合水出湘東郡之新寧縣西南新平故縣

東

新寧新平二縣今為衡州府常寧縣

新平

疑作寧

故新平也

湘東郡兵置故屬長

沙晉因之七縣新寧新平皆其所屬宋孝武時省新平入新寧又省郵縣故止五縣

衆川瀉浪

共成一津西北流東坼山下有龍穴宜水逕其下天

旱則擁水注之便有雨降宜水又西北注于湘湘水

又西北得春水口水上承營陽舂陵縣西北潭山又

北逕新寧縣東又西北流注于湘水也

又東北過重安縣東

重安縣本漢承陽縣地師古曰音烝後漢改曰烝陽吳析烝陽郵二

縣地置臨沅縣屬湘東郡晉宋齊梁因之陳析置新城縣隋省臨沅新城重安三縣入衡山縣唐開元中改曰衡陽即今衡州府治也其故城在府城西一百七十里又東北過鄴當作邳下同承水

從東南來注之

承水

承水明一統志作蒸水在衡州府城北水氣如蒸源出寶慶邵陽縣耶薑山東北流至衡陽縣

界會清陽水又東北經府城北會于湘

出衡陽重安縣西邵陵縣界邪

薑山東北流至重安縣逕舜廟下廟在承水之陰又

東合略塘相傳云此塘中有銅神今猶時聞銅聲于

水水輒淥作銅腥魚為之死承水又東北逕重安縣



南漢長沙頃王子度邑也

漢表作鍾武節侯度按漢志零陵郡鍾縣應劭曰今

重安故零陵之鍾武縣王莽更名曰鍾桓也武水入焉

武水源出臨武縣西山下地名鷓鴣石經縣前東流入郴州宜章縣境會大小章水入廣東界水出

鍾武縣西南表山東流至鍾武縣故城南而東北流

至重安縣注于承水至湘東臨承縣北東注于湘謂

之承口臨承即故鄴縣也縣即湘東郡治也郡舊治

在湘水東故以名郡魏正元二年吳主孫亮分長沙

東部立縣有石鼓高六尺湘水所逕鼓鳴則土有兵

革之事羅君章云扣之聲聞數十里此鼓今無復聲  
觀陽縣東有裴巖其下有石鼓形如覆船扣之清響  
遠徹其類也湘水北又厯印石石在衡水縣南江水

又疑

作

有磐石或大或小臨水而石悉有跡其方如

印累然行列無文字如此可二里許因名為印石也

湘水又北逕衡山縣東山在西南有三峰一名紫蓋

一名容峰

按盛弘之荊州記曰衡山有三峰極秀一  
名芙蓉峰最為竦傑峰上有泉飛派如一

幅絹分映青林直注山下  
此云容峯蓋漏芙蓉字耳

容峰最為竦傑自遠望之

蒼蒼隱天故羅含云望若陣雲非清霽素朝不見其

峰丹水涌其左澧泉流其右山經謂之岫嶺山為南

岳也山下有舜廟南有祝融冢楚靈王之世山崩毀

其墳得營邱九頭圖治洪水血馬

疑有脫譌

祭山得金簡

玉宇之書容峰之東有僊人石室學者經過往往聞

諷誦之音矣衡山東南二面臨映湘川自長沙至此

江湘七百里中有九向九背

禹貢雖指引作九向九背按羅含湘中記云衡

如陣雲沿湘千里九向九背故漁者歌曰帆隨湘轉

望衡九面山上有飛泉下注下映青林直注山下望  
之若幅練在山矣湘水又東北逕湘南縣東又歷湘  
西縣南分湘南置也衡陽郡治魏正元二年吳孫亮  
分長沙西部立治湘南太守何承天徙郡湘西矣十  
三州志曰日華水出桂陽郴縣華山西至湘南縣入  
湘地理志曰郴縣有來水出來山西至湘南入湘漢志  
郴縣耒山耒水所出西至湘南入湖郴縣今為廣西  
郴州治及桂陽州耒水源發桂陽縣耒山西流會資  
興水又西北會郴水經衡州  
府耒陽衡陽縣界注于湘 湘水又北逕麓山東其

山東臨湘川西傍原隰息心之士多所萃焉

又東北過陰山縣西涑水從東南來注之又北過澧陵

縣

今屬長沙府

澧水從東注之

明一統志涑泉在鄆縣東其水合雲秋水北流入長沙府

茶陵縣境

續漢書五行志曰建安八年長沙醴陵縣有大山常

鳴如牛吼聲積數十年後豫章賊攻沒縣亭殺掠吏

民因以為候湘水又北逕建寧縣而傍湘水縣北有

空冷峽驚浪雷奔濬同三峽湘水又北逕建寧縣故

城下晉太始中立

又北過臨湘縣西

今長沙府治及諸屬縣

瀏水從縣西北流注之

縣南有石潭山湘水逕其西山有石室石牀臨對清

流

水有湘字

上當水又北逕昭山西

昭山在湘潭東四十里昭王南征至此不復因

名昭潭在昭山下潭水澄湛如墨深不可測

山下有旋泉深不測故言昭

潭無底也亦謂之曰湘州潭湘水又北逕南津城西

西對橘洲

橘洲在善化縣西四里湘江中有四洲曰橘洲直洲誓洲白小洲夏月水泛惟橘洲

不沒諺云昭潭無底橘洲浮

或作吉字為南津洲尾水西有橘子

洲戍故郭尚存湘水又北左會瓦官水口湘浦也又  
逕船官西湘洲高舟之所次也北對長沙郡郡在水  
東州城南舊治在城中後乃移此湘水左逕麓山東  
上有故城山北有白露水口湘浦也又右逕臨湘縣  
故城西縣治湘水濱臨川側故即名焉王莽改號撫  
睦故南境之地也秦滅楚以為長沙郡即青陽之地  
也秦始皇二十六年荆王獻青陽以西漢書鄒陽傳  
曰越水長沙還舟青陽注張晏曰青陽地名也蘇林

曰青陽長沙縣也漢高祖五年以封吳芮為長沙王都  
是城即芮築也漢景帝二年封唐姬子發為王都此  
王莽之鎮蠻郡也於禹貢則荊州之域晉懷帝以永  
嘉元年分荊州湘中諸郡立湘州治此城之內郡廨  
西陶侃廟云舊是賈誼宅在長沙府城濯錦坊舊地  
有太傅井并廟尚存地  
中有一井是賈誼所鑿極小而深上斂下大其狀似  
壺傍有一脚石牀纔容一人坐形流俗相承云誼宿  
所坐牀又有大甘樹亦云誼所植也城之西北有故



市北對臨湘縣之新治縣治西北有北津城縣北有

吳芮冢

在長沙縣治西北

廣踰六十八丈登臨寫目為廛郭

之佳憇郭頌世語云魏黃初末吳人發芮冢取木於  
縣立孫堅廟見芮尸容貌衣服並如故吳平後預發  
冢人於壽春見南蠻校尉吳綱曰君形貌何類長沙  
王吳芮乎但君微短耳綱瞿然曰是先祖也自芮卒  
至冢發四百年至見綱又四十餘年矣湘水左合誓  
口又北得石廓口並湘浦也右合麻溪水口湘浦也

湘水又北逕三石山東山枕側湘川北即三石水口  
湘浦也水北有三石戍戍城為二水之會也湘水右  
逕瀏口戍西北對瀏水

又北為水從西南來注之

明一統志為水在長沙府城北二十里源出安化縣青羊

山在寧鄉縣西一百四十里為水出焉

為水出益陽縣馬頭山東逕新陽縣南晉太康元年  
改曰新康矣為水又東入臨湘縣歷為口戍東南注  
湘水湘水又北合斷口又北則下營口湘浦也湘水

又宋本左岸有高口水出益陽縣西北逕高口戍南

作之

又西北上鼻水自鼻洲上口受湘西入焉謂之上鼻

浦高水西北與下鼻浦合水自鼻洲下口首受湘川

西通高水謂之下鼻口高水又西北又屈為陵子潭

東北流注湘為陵子口湘水自高口戍東又北右會

鼻洲左合上鼻口又北右對下鼻口又北得陵子口

湘水右岬銅官浦出焉湘水又北逕銅官山西臨湘

水山土紫色内含雲母故亦謂之雲母山也

雲母山在長沙

府城西北  
九十里

又北過羅縣西

今為岳州府平江縣

澗水從東來流注之

湘水又北逕錫口戍東又北左派謂之錫水西北流

逕錫口戍北又西北流屈而東北注玉水焉水出西

北玉池東南流注于錫浦謂之玉池口錫水又東北

東湖水注之水上承玉池之東湖也南流于錫謂之

三陽

陽字疑譌下有三津逕或亦疑作津

逕水南有三戍又東北注于

湘湘水自錫口北出又得望屯浦湘浦也湘水又北

枝津北

北下疑  
有出字

謂之門逕也湘水紆流西北東北合

門水謂之門逕口又北得三溪水口水東承太

疑當  
作大

同湖西通湘浦三水之會故得三溪之目耳又北東

會大對水口西接三津逕湘水又北逕黃陵亭西右

合黃陵水口其水上承太湖湖水西流逕二妃廟南

世謂之黃陵廟也

在瀟湘之尾  
洞庭之口

言大舜之陟方也二

妃從征溺於湘江神遊洞庭之淵出入瀟湘之浦瀟

者水清深也湘中記曰湘川清照五六丈下見底石

如檇蒲矣五色鮮明白沙如霜雪赤崖若朝霞是納

瀟湘之石

名 疑作

矣故民為立祠於水側焉荊州牧劉

表刊石立碑樹之於廟以旌不朽之傳矣黃水又西

流入于湘謂之黃陵口昔王子山有異才年二十而

得惡夢作夢賦二十一溺死于湘浦即斯川矣

張華博物

志王子山與父叔師到泰山從鮑子真學筭到魯賦靈光殿歸渡湘水溺死王文考名延壽一字子山南

郡宜城人因有異夢意惡之乃作夢賦其詞具古文苑中湘水又北逕白沙戍西

又北右會東町口澗水也湘水又左合決湖口水出

西陂東通湘渚湘水又北汨水注之水東出豫章文

縣

漢志豫章郡有艾縣今云文縣誤艾縣今為南昌府寧縣

桓山西南逕吳昌縣

北與純水合水源出其縣東南純山西北流又東逕

其縣南又北逕其縣故城下縣是吳王孫權立純水

又右會汨水汨又西逕羅縣北本羅子國也故在襄

陽宜城縣西楚王王移之於此秦長沙立郡因以為

郡

朱本云疑作縣

謂之羅水

汨羅江在湘陰縣北七十里源出豫章流逕湘陰縣分二水一

南流曰汨水一經古羅城曰羅水至屈原復合故曰汨羅西流入湘汨水又逕玉筍山

羅含湘中記云屈潭之左有玉筍山道士遺言此福

地也

在湘潭縣北七十一里隋于此置玉州

一曰地脚山汨水又西為屈

潭即羅淵也屈原懷沙自沈於此故淵潭以屈為名

昔賈誼史遷皆嘗逕此弭楫江波投吊於淵淵北有

屈原廟廟前有碑又有漢南太守程堅碑寄在原廟

汨水又西逕汨羅戍南西流注于湘春秋之羅汭矣

世為汨羅口湘水又北枝分北出逕汨羅戍西又北

逕壘石山東又北逕壘石戍西謂之苟導徑矣而北



合湘水自汨口而

西一作

北逕壘石山西而北對青草

湖亦或謂之青草山也西對懸城口湘水又北得

九口並湘浦也湘水又東北為青草湖右合苟導逕  
北口與勞口合又北得同拌口皆湘浦右逕者也

入北過下雋縣西微水從東來流注之

湘水左會水青口資水也世謂之益陽江湘水左逕  
鹿角山東右逕謹亭戍西又北合查浦又北得萬浦  
咸湘浦也側湘浦北有萬石戍湘水左側沅水注之

謂之橫房口東對微湖世或謂之麋湖口也右屬微水即經所謂微水經下嵩者也西流注于江謂之麋湖口也湘水又北逕金浦戍北帶金浦水湖澆也湘水左側澧水注之世謂之武陵江凡此四水同注洞庭北北會大江名之五渚戰國策曰秦與荆戰大破之取洞庭五渚也湖水廣圓五百餘里日月若出沒於其中山海經云洞庭之山帝之二女居焉沅澧之風交湘之浦出入多飄風暴雨

山海經洞庭之山帝之二女居之是帝遊

于江淵澧沅之風交瀟湘之淵是湖中有君山編山  
在九江之間出入必以飄風暴雨

君山有石穴潛通吳之苞山郭景純所謂巴陵地道  
者也是山湘君之所遊處故曰君山矣昔秦始皇遭  
風於此而問其故博士曰湘君出入則多風秦王乃  
赭其山漢武帝亦登之射蛟于是山東北對編山山  
多篔竹兩山相次去數十里迴峙相望孤影若浮湖  
之右岸有山世謂之笛烏頭石石北右會翁湖口水  
上承翁湖左合洞浦所謂三苗之國左洞庭者也

又北至巴邱山入于江

山在湘水右岫山有巴陵故城本吳之巴邱郢閣城

也晉太康元年立巴陵縣於此後置建昌郡宋元嘉

十六年立巴陵郡

今岳州府

城跨崗嶺濱沮三江巴陵西

對長洲其洲南廢湘浦北屆大江故曰三江也三水

所會亦或謂之三江口矣夾山列闕謂之射獵又北

對養口咸湘浦也水色青黑東北入于大江有清濁

之別謂之江會也

灑水亦出陽海山

灑水發源見前湘水注

灑水與湘水出一山而分源也湘灑之間陸地廣百餘步謂之始安嶠嶠即越成嶠也嶠水自嶠之陽南流注灑名曰始安水故庾仲初之賦揚都云判五嶺而分流者也灑水又南與瀉水合水出西北邵陵縣界而東南流至零陵縣西南逕越城西建安十六年交州刺史賴恭自廣信合兵小

疑譌或當作出

零陵越城迎步隲即是地也瀉水又東南流注于灑水漢書所謂

出零陵下瀕水者也瀕水又南合彈九溪水出于彈

九山

在桂林府城東二里

山有涌泉奔流衝激山岨

原木譌堪

及溪

中有石若丸自然珠圓狀彈丸矣故山水即名焉溪  
水東流注于瀕水瀕水又南逕始興縣東魏文帝咸  
熙二年吳孫皓分零陵南部立始興縣瀕水又南右  
會洛溪溪水出永豐縣西北洛溪山東流逕其縣北  
縣本蒼梧之北鄉孫皓割以為縣洛溪水又東南逕  
始安縣而東注瀕水瀕水又東南流入熙平縣逕羊

瀨山山臨水石間有色

石一作

類羊又東南逕鷄瀨山

山帶瀨水山石色狀鷄故二山以物象受名矣瀨水

又南得熙平水口水源出縣東龍山西南流逕其縣

南又西與北鄉溪水合水出縣東北北鄉山西流逕

其縣北又西流南轉逕其縣西縣本始安之扶鄉也

孫皓割以為縣溪水又南注熙平水熙平水又西注

於瀨水縣南又

疑作有

朝夕塘水出東山西有塘水從

山下注塘一日再增再減盈縮以時未嘗愆期同於

潮水因名此塘為朝夕塘矣灑水又西逕平樂縣界  
左合平樂溪口水出臨賀郡之謝沐縣南歷山西北  
流逕謝沐縣西南西南流至平平下當有樂字縣東南左會  
謝沐衆溪流湊合西逕平樂南孫皓割蒼梧之境  
立以為縣北隸始安溪水又西南流注于灑水謂之  
平水

南過蒼梧荔浦縣

今屬桂林府

灑水出縣西北魯山之東逕其縣西與濡水合水出



永豐縣西北濡山東南逕其縣西又東南流入於荔  
浦縣注于瀨溪又注於瀨水之上有瀨水闕瀨水又  
南左合靈溪水口水出臨賀富川縣北符靈置南流  
逕其縣東又南注于瀨水也

又南至廣信縣

今肇慶府封川縣等

入于鬱水

溱水出桂陽臨武縣南

今為衡州府

繞城西北屈東流

按漢書地

理志桂陽郡臨武縣下云秦水東南至  
瀨陽入滙此云溱水豈即志之秦水耶

溱水導源縣西南北流逕縣西而北與武溪合山海

經曰肆水

凡肆水俱當作肆水說見下文

出臨武西南而東南注于

海入番禺西肆水

按山海經海內東經作肆水出臨晉西南而東南注于海入番禺西

別無肆水恐當作肆為是但臨晉屬左馮翊今西安府之朝邑縣也去南海之番禺甚遠似當從志作臨

武為是蓋溱水之別名也武溪水出臨武縣西北桐柏

山東南流右合溱水亂流東南逕臨武縣西謂之武

溪縣臨側溪東因曰臨武縣王莽更名大武也溪水

東南流左會黃冷溪水溪水出郴縣黃冷山西南流

右合武溪水又南入里山山名藍豪廣圓五百里

悉曲江縣界

崖上常有脫丈

崖峻岨巖嶺干天交柯雲蔚靈

天晦景謂之瀧中懸湍迴注崩浪震山名之瀧水

東至曲江縣

今韶州府各縣

安甌邑東屈西南流

瀧水又南出峽謂之瀧口

瀧水在韶州府樂昌縣南六十里源出湖南莽山

西岸有任將軍城

任囂城在樂昌縣五十里

南海都尉任囂所

築也囂死尉佗自龍州

當作龍川漢志南海郡有龍川縣

始居之東

岸有任將軍廟瀧水又南合泠水泠水東出泠君山

山羣峰之孤秀也

泠水明一統志作靈水在樂昌縣東北五十里源出靈君山下與武

水合流溉田百餘頃水味極甘飲者多壽鄉人取以釀酒晉太元十八年崩千氏

云疑作十餘丈於是懸澗瀑挂傾流注壑頽波所入灌於

瀧水瀧水又合林水林水出縣東北洹山王歆始興記曰林水源裏有室室前盤石上列羅十瓮中悉是餅銀采伐遇之不得取取必迷閻晉太元初民封驅之家僕密竊三餅歸發看有大蛇螫之而死湘州記曰其夜驅之夢神語曰君奴不謹盜銀三餅即日顯戮以銀相備視則奴死銀在矣林水自源西流于瀧

水又與雲水合水出縣北湯泉泉源沸涌浩氣雲浮

以腥物投之俄頃即熟其中時有細魚游之不為灼

也

明一統志湯泉在韶州府東南五十里能熟生物泉中時有赤魚游泳人不能獲

西北合

瀧水又有籍水上承滄海水有島嶼焉其水吐納衆

流西北注于瀧水瀧水又南歷靈鷲山山本名虎郡

疑作

山亦曰虎市山

在韶州府城南三十里

以虎多暴故也晉

義熙中沙門釋僧律葺宇巖阿猛虎遠跡蓋律仁感

所至因改曰靈鷲山瀧水又南逕曲江縣東又云縣

昔號曲紅

何氏云江紅二字疑古通用如曾子固跋桂陽周府君碑陰曲江字皆作曲紅而蒼

江字亦作蒼紅則鄙注之昔號曲紅亦是一證不必改作江也曲山名也東連岡是

瀧中有碑文曰

疑有脫誤或曰字是衍文或在地理志下按地理志曲江

舊縣也王莽以為除虜始興郡治魏文帝咸熙二年

孫皓分桂陽南部立縣東傍瀧溪號曰北瀧水水左

即東溪口也水出始興東江州南康縣界石門水西

流而與漣水合水出南康縣涼熱山連溪山即大庾

嶺也五嶺之最東矣故曰東嶠山斯則改裝之次其

下船路名漣溪漣水南流注于東溪謂之漣

漣下當有脫文

庾仲初謂之大庾嶠水也東溪亦名東江又曰始興水又西邪階水注之水出縣東南邪階山水有別源

曰巢頭重嶺衿瀧湍奔相屬祖源雙注合為一川水

水側有鼻天子城鼻天子所未聞也

幽明錄始興郡有鼻天子冢又

有鼻天子城晉書泉陵縣有鼻墟象所封也路史謂鼻天子即象也邪階水又西北注

於東江江水又西逕始興縣南又西入曲江縣邸水

注之水出浮岳山山躡一處則百餘步動若在水因

名浮岳山

在韶州府東北二十里

南流注于東江東江又西與

利水合水出縣之韶石北山

在韶州府東北八十里

南流逕韶

石下其高百仞廣圓五里兩石對峙相去一里小大

略均似雙闕名曰韶石古老言昔有二僊分而憩之

自爾年豐彌歷一紀利水又南逕靈石下靈石一名

逃石

在韶州府境

高三十丈廣圓五百丈耆舊傳言石本

桂陽武城縣

漢志桂陽郡有臨武而無武城疑誤若作武城則晉地志屬桂林郡陽字當作

林因夜迅雷之變忽然遷此彼人來見歎曰石乃逃



來因名逃石以其有靈運徙又曰靈石其傑處臨江  
壁立霞駁有若繢焉水石驚瀨傳響不絕商舟淹留  
聆翫不已利水南注東江東江又西注于北江謂之  
東江口溱水自此有始興大江之名而南入滇陽縣  
也

過滇陽縣出淮浦關與桂水合

漢志桂陽郡有滇陽縣  
應劭注曰滇水出南海

龍川西入秦滇陽今  
為韶州府英德縣

溱水南逕滇陽縣西舊益縣也王莽之基武矣縣東

有滇石山廣圓三十里挺岨大江之北盤趾長川之  
際其陽有石室漁叟所憩昔欲於山北開達郡之路  
輒有大蛇斷道不果是以今者

朱本從吳本  
作今行者

必於石

室前汎舟而濟也溱水又西南歷臯口太尉二山之

間是曰滇陽峽兩岸傑秀壁立虧天昔嘗鑿石架閣

令兩岸相接以拒徐道覆

晉書曰盧循徐道覆聞劉裕北伐循自始興寇長沙

道覆寇南康廬陵豫章皆陷之進逼建康劉裕遣將  
軍孫處沈田子自海道襲番禺拔之裕及循戰及大

雷大破之循南走番禺道覆走保始興裕  
遣將軍劉藩克始興誅道覆循亦自殺

溱水出峽

左則滇水注之

滇水在韶州府城東源出大庾嶺南流合武水為曲江

水出南

海龍川縣西逕滇陽縣南右注溱水故應劭曰滇水

西入溱是也溱水又西南注

何氏改注

水入焉

按漢志桂陽郡含注

縣注水所出又南海郡中宿縣有注浦此注水疑當作注水或從山海經作潢水

山海經所

謂注水出桂陽西北東南注肆入郭浦西者也

按山海經

海內東經云潢水出桂陽西北山東南注肆水入數浦西此云注水及注肆入郭浦皆疑誤

溱水

又西南逕中宿縣會一里水其處隘名之為觀歧連

山交枕絕岸壁竦下有神廟背阿面流壇宇虛肅廟

渚攢石巉巖亂峙中川時水洑至鼓怒沸騰流木淪  
沒必無出者世人以為河伯下材晉中朝時縣人有  
使者至洛使訖將還忽有一人寄其書云吾家在觀  
前石間懸藤即其處也但扣藤自當有人取之使者  
謹依其言果有二人出外取書并延入水府衣不濡  
濡言此似不近情然造化之中無所不有穆滿西遊  
與河宗論寶以此推之亦為類矣溱水又西南逕中  
宿縣南吳孫皓分四會之北鄉立焉

南入于海

漆水又南注于鬱而入于海

水經注集釋訂訛卷三十八

欽定四庫全書

水經注集釋訂訛卷三十九

歸安沈炳巽撰

匯水

深水

鍾水

耒水

涑水

澆水

瀏水

澗水

贛水

廬水

匯水出桂陽縣盧聚

今衡州府桂陽州及廣州府連州連山縣皆漢桂陽縣地

水出桂陽縣西北上驛山盧溪為盧溪水

明一統志盧溪在肇

慶府新興縣源出李峒嶺經盧村連縣城東門外流至府城入大江東南流逕桂陽縣

故城謂之匯水地理志曰匯水出桂陽南至四會今屬

肇慶府是也匯水又東南流出桂陽南至四會是嶠之

溪溪水下流歷峽南出是峽謂之真疑作貞下同女峽峽

西岸高巖名真女山貞女山在四會縣西南一十里山下際有石如

人形高七尺狀如女子故名貞女峽古來相傳有數

女取螺於此遇風雨晝晦忽化為石斯誠巨異難以

聞信但啓生石中執爪空桑斯抑類矣物之變化寧



以理求乎

隋巢子淮南子並云禹娶塗山氏治鴻水通輜轅山化為熊塗山見之慙而去至嵩

高山化為石禹曰歸我子石破北方而生啟李彤四部云嵩山南有啟母祠郭景純云陽城西有啟母石

也呂覽云有洗氏女子採桑得嬰兒於空桑之中命曰伊尹孫子兵書云伊尹名摯溪溪下有水字

又合涇水涇水又東南入陽山縣今屬廣州府右合漣口

水源出縣西北一百一十里石塘村村之流水側有

豫章木本遼可二丈其株根猶存伐之積載而斧跡

若新羽族飛翔不息其傍眾枝飛散遠集鄉亦不測

所如惟見一枝獨在含涇水矣涇水在英德縣西南四十里一名洗水下

流四十里  
為羅溪

連水東南流注于沅水又東南流而又與

斟水合水導源近出

疑作山

東巖下穴口若井一日之

中十溢十竭信若潮流而注沅水沅水又南逕

沅縣名朱

本云漢志桂陽郡有沅縣此疑脫沅字

縣故城西者舊傳曰往昔縣

長臨縣輒遷擢超級太史逕觀言執

疑謫朱本云當作城勢

使

然掘斷連置流血成川城因傾陲遂即傾敗閣下大

鼓飛上臨武乃之桂陽追號聖鼓自陽山達乎桂陽

之武步驛所至循聖鼓道也其道如塹迄于鼓城矣

沅水又逕陽山縣南縣故舍沅縣之桃鄉孫皓分立  
為縣也沅水又南東流也

東南過舍沅縣

應劭曰沅水東北入流璜注漢書沅在武陵去沅遠  
又隔湘水不得入沅沅水東南左合翁水

翁水源出翁源縣靈

地山西南流二百四十里至英德縣與湏水合流入廣州水出東北利山湖湖水

廣圓五里潔踰凡水西南流注于沅謂之翁水口口

已下東岍有聖鼓枝即陽山之鼓枝也橫在川側雖

衝波所激未嘗移動百鳥翔鳴莫有萃者船人上下以篙撞者輒有瘡疾涇水又東南左合陶水水東出

堯山山盤紆數百里有赭崑迭起冠以青林與雲霞

亂采山上有白石英山下有平陵有大堂基者舊云

堯行宮所

所下疑有在字

陶水西逕縣北右注涇水

陶水明一統志

作桃溪在英德縣四十里源出堯山下流合涇水

涇水又逕含涇縣西王歆

之始興記曰縣有白鹿城城南有白鹿置咸康中郡

民張魴為縣有善政白鹿來游故城及置並即名焉

南出沅浦關為桂水

關在中宿縣沅水出關右合溱水謂之沅口山海經謂之湟水徐廣曰湟水一名沅水出桂陽通四會亦曰灌水也漢武帝元鼎元年路博德為伏波將軍征南越出桂陽下湟水即此水矣桂水其別名也

深水出桂陽盧聚

呂忱曰深水一名邃水導源盧溪西入營水亂流營波同注湘津許慎云深水出桂陽南平縣也經書桂

陽者縣也本隸桂陽郡後割屬始興縣有盧溪盧聚山  
在南平縣之南九疑山東也

西北過零陵營道縣南又西北過營浦縣南又西北過

泉陵縣西北七十里至燕室邪疑入于湘

水上有燕室邱亦因為聚名也其下水深不測號曰

龍泉

鍾水出桂陽南平縣部山北過其縣東又東北過宋渚  
亭又北過鍾亭與雞水合

部山即部龍之嶠也五嶺之第三嶺也鍾水即嶠水也庾仲初曰嶠水南入始興淮水注于海北入桂陽湘水注于江是也雞水即桂水也雞桂聲相近故字隨讀變經仍其非矣桂水出桂陽縣北界山山壁高聳三面特峻石泉懸注瀑布而下北逕南平縣而東北流屈鍾亭右會鍾水通為桂水也故應劭曰桂水出桂陽東北入湘

又北過魏寧縣之東又東北入于湘

此句原本為作下段經文今改正

魏寧故陽安也晉太康元年改曰晉寧縣在桂陽郡東一百二十里縣南西二面岨帶清溪桂水無出縣東理蓋縣邑流移今古不同故也

耒水出桂陽郴縣南山

耒水發源出汝城縣

汝城縣本漢桂陽郡郴縣東晉析置汝城縣宋改為桂陽縣今

因之屬郴州耒水在縣境發源耒山西流會資興水又西北會郴水經衡州耒陽縣界注于湘東烏

龍白騎山西北流逕其縣北西流三十里中有十四瀨各數百步濬流奔急竹節相次亦為行旅泝涉之



艱難也又西北逕晉寧縣北又西左合清溪水口水  
出縣東黃皮山西南流歷縣南又西北注於耒水汝  
縣在郡東三百里餘山又在縣東耒水無出南山理  
也

又北過其縣之西

縣有綠水

明一統志作醴醴泉在郴州興寧縣東一名酒官水

出縣東侯公西

北流而南屈注于耒謂之程鄉溪郡置酒官醞於山

下名曰程酒獻同鄴也

鄴湖在衡州府城東二十里  
荆州記長沙郡鄴縣有鄴湖

周迴三里取湖水釀酒酒極甘美相中記湖水  
深八尺湛然綠色晉武帝嘗薦鄧酒于太廟  
耒水

又西黃水注之水出縣西黃芩山

明一統志在郴州城南三十六里

水所出一名黃廂山即五嶺之一從東第三騎田嶺也

山則騎田之嶠五嶺之

第二嶺也

按五嶺見後漢書吳祐及劉表傳注中俱引裴氏廣川記云大庾始安臨賀桂陽揭

陽是為五嶺鄧德明南康記曰大庾一也桂陽甲騎二也九真都龐三也臨賀萌渚四也始安越城五也

此云騎田之嶠恐誤黃水東北流按盛弘之云衆山水出注於

大溪號曰橫流溪溪水甚小冬夏不乾俗亦謂之為

貪泉飲者輒冒於財賄同於廣州石門貪流矣廉介

為二千石則不飲之昔吳隱之挹而不貪亂豈謂能

汙其真乎蓋亦惡其名也

晉書吳隱之傳隆安中隱之為廣州刺史未至州二

十里地名石門有水曰貪泉飲者懷無厭之欲隱之既至酌而飲之因賦詩曰古人云此水一飲懷千金

試使夷齊飲終當不易心及在州清操益厲

劉澄之謂為一涯溪通四會

殊為孟浪而不悉也庾仲初云嶠水南入始

始下當有興字

與溱水注海即黃岑水入武溪者也北水入桂陽湘

水注于大江即是水也又側千秋水注之水出西南

萬歲山

明一統志靈壽山舊名萬歲山在郴州南二

千秋云

山有石室室中有鍾乳山上悉生靈壽木溪下

即千秋水也水側民居號萬歲村其水下合黃水黃

水又東北逕其縣東右合除泉水水出縣南湘陂村

村有圓水廣圓可二百步一邊暖一邊冷冷處極清

綠淺則見石深則無底暖處水白且濁玄素既殊涼

暖亦異厥名除泉其猶江乘之半湯泉也

江乘地記云縣東南

三十五里有湯泉半冷半溫共同一壑謂之半湯泉水盛則瀉黃溪水耗則津

徑輒流郴舊縣也桂陽郡治也漢高帝二年分長沙

置地理志曰桂水所出因以名焉

地理志無此句不知何所本也今漢

志柳縣下云耒山耒水所出無桂水所出之文

王莽更名南平縣曰宣風頂

羽遷義帝所築也縣南有義帝冢內有石虎因呼為

白虎郡東觀漢記曰茨充字子何為桂陽太守民情

嬾少鹿諺字履足多剖裂茨教作履今江南知織履

皆充之教也

齊民要術云茨充為桂陽令俗不種桑無蠶織絲麻之利民情窳少麓履足多

剖裂血出盛冬皆然燎灸充教民益種桑柘養蠶織履復令種苧麻數年之間大賴其利黃溪東

有馬嶺山

在郴州城北七里又名蘓儂嶺

高六百餘丈廣圓四十許

里漢末有郡民蘇耽栖遊此山桂陽列僊傳云耽郴縣人少孤養母至孝言語虛無時人謂之癡常與衆兒共牧牛更直為帥録牛無散每至耽為帥牛輒徘徊左右不逐自還衆兒曰汝直牛何道不走邪耽曰非汝曹所知即而辭母云受性應僊當違供養涕泗又說年上當有來字年將疫疫死者略半穿一井飲水可得無恙如有哭聲甚哀見耽乘白馬還此山中百姓為立壇祠民安歲登民因為馬嶺山

按列僊傳有耽既僊去後其母

死耽來山頭哭之人不見其形但聞哭聲今節去其  
母死云云但有如是有哭聲甚哀句似于上下文義  
未足未審是道元所節抑屬後人刻本謄脫也又洞  
神傳云耽初去時告其母云明年大疫取庭前井水  
飲之無恙果如其言闔門元吉母年百餘歲終鄉人  
共葬之聞山上有人哭聲服除乃止神僊傳云耽母  
既終葬後州東北牛脾山紫雲蓋上有號哭聲知蘇  
君之神也因見白馬常在嶺上遂改牛脾山為白馬

嶺黃水又北流注于耒

原本  
謄表

水謂之榔口耒水又西

逕華山之陰亦曰華石山孤峰特聳枕帶雙流東則  
黃溪耒水之交會也耒水東流沿注不得過其縣西  
也兩岫連山石泉懸溜行者輒徘徊留念情不極已

也

又北過便縣之西

今郴州治  
永興縣

縣故惠帝封長沙王子吳淺為侯國

吳尚封長沙王  
淺乃尚子也

王莽之便屏也縣界有溫泉水在郴縣之西北左右

有田數十頃資之以溉常以十二月下種明年三月

穀熟度此水冷不能生苗溫水所溉年可三登其餘

波散流入于耒水也

明一統志郴州城北二十里有  
溫泉平地涌出如湯可以愈瘍

東流合郴水荆州記云郴縣西北有溫泉其下流有  
田十數畝常于十二月下種來年三月穀登一歲三



孰

又西北過耒陽縣之東

耒陽舊縣也蓋因水以制名王莽更名南平亭東傍  
耒水水東肥南有郡故城縣有漢疑作水東出侯計

山在今衡州耒陽縣東  
七十里肥水所出

其水清澈冬溫夏冷西流謂

之肥川川之北右盧塘塘池八頃其深不測有大魚  
常至五月輒一奮躍水涌數丈波襄四陸細魚奔迸  
隨水登岬不可勝計又云大魚將欲鼓作諸魚皆浮

聚水側注西北逕蔡洲州西即蔡倫宅傍有蔡子池

蔡倫宅在耒陽縣治西南內有蔡子池湘中記池南有石曰即倫春紙曰唐別駕李懸以白入貢 倫

漢黃門郎順帝之世擣故魚網為紙用代簡素自其

始也

東觀漢記黃門蔡倫作尚方紙所謂蔡侯紙也

又北過鄴縣東

縣有鄴湖湖中有洲洲上民居彼人資以給釀酒甚醇美謂之鄴酒歲常貢之湖邊尚有鄴縣故城治此西北去臨承縣一十五里從省隸十三州志曰大別

水南出耒陽縣太山北至鄱縣入湖也

北入于湘

耒水西北至臨承縣而右注湘水謂之耒口也

洙水出茶陵縣上鄉西北過其縣西

今屬長沙府

水出江州安城郡廣興縣太平山西北流逕茶陵縣之南漢武帝元朔四年封長沙定王子節侯訢之邑也王莽更名聲鄉矣洙水又屈而過其縣西北流注也地理志謂之沉水者也

又西北過攸縣南

今屬長沙府

攸水出東南安城郡安復縣封侯山西北流逕其縣

北縣北帶攸溪蓋即溪以名縣也

攸水源出江西安福縣封侯山西流

逕鳳嶺至攸縣東與沫水合流又至茶陵江口入于湘

漢武帝元朔四年封長

沙定王子則為攸輿侯即地理志所謂攸縣者也攸

水又西南流入茶陵縣入于沫水也

又西北過陰山縣南

縣本陽山縣也縣東北猶有陽山故城即長沙孝王

子宗之邑也言其勢王故塹山堙谷改曰陰山縣縣  
上有容水自侯曇山下注涑水謂之容口涑水又西  
北逕其縣東又西逕歷口縣有歷水水有大水容一  
百石水出于此水因以名曰容水下注涑水謂之歷  
口涑水又西北與洋湖水會水出縣西北樂藪岡下  
洋湖湖去置七里湖水下注涑謂之洋湖口涑水東  
北有岷山縣東北又有武陽龍尾山並僊者羽化之  
處上有僊人及龍馬跡於其處得遺咏雖神栖白雲

屬想芳流藉念泉鄉遺咏在茲覽其餘誦依然息遠  
匪直邈想霞蹤愛其文咏可念故端續抽札以詮其  
咏其畧曰登武陽觀樂藪岷嶺千蕤洋湖口命蜚螭  
駕白駒臨天水心跡躡千載後不知如蓋勝賞神鄉  
秀情超拔矣

又西北入于湘

澧水出醴陵縣

今屬長沙府

東澧山西過其縣南

醴陵縣高后四年封長沙相侯起為國縣南臨渌水

水東出安城鄉翁陵山余謂澗淥聲相近後人藉便

以淥為稱雖翁陵名異而即麓是同

在明一統志淥水在醴陵縣學前

其水涌自地脉如絲如霧用白器入水酌而澄之其色深綠可以書字

屈從縣西北流至澗浦注入于湘

瀏水出臨湘縣東南瀏陽縣

今屬長沙府

西北過其縣東北

與澗溪水合

瀏陽水在長沙府城北五里源出大圍山

瀏水出縣東江州豫章縣首禪山道源西北流逕其

縣南縣憑溪以即名也又西北注于臨湘縣也

西入于湘

澗水出豫章艾縣

今為南昌府寧縣

春秋左氏傳曰吳公子慶忌諫夫差不納居於艾是也王莽更名治翰

西過長沙羅縣西

羅子自枝江徙此世猶謂之為羅侯澗水又西流積而為陂謂之町湖也

又西逕累石山入于湘水



累石山在北亦謂之五木山山方尖如五木狀故俗人藉以名之

五木者摶蒲之戲也李翱有五木經

山在羅口北澗水又

在羅水南流注于湘謂之東町口者也

贛水出豫章南野縣

今為贛州信豐縣

西北過贛縣東

今贛州府治

山海經曰贛水出聶都山東北流注于江入彭澤西

也班固稱南野縣彭水所發東入湖漢水庾仲初謂

大庾嶠水北入豫章注于江者地理志曰豫章水出

贛縣西南而北入于江蓋控引衆流總成一川雖稱

謂有殊言歸一水矣故後漢郡國志曰贛有豫章水  
雷次宗云似因此水為其地名雖十川均流而此源

最遠故獨受名焉

按雷次宗豫章記曰十川均流而此源最遠所謂十川者贛廬牽塗

盱濁餘都僚浦為十也此源謂贛水也九水俱入于贛水諸本作北源誤矣贛即豫章湖漢牽即南水濁

當作蜀循當作修塗僚則漢志所無道元悉從雷記  
聶都山在南安府崇義縣西南六十里王象章水

所經非所出也劉澄之曰縣東南有章水西有貢水西是為

謬也縣治二水之間二水合贛字因以名縣焉劉氏

專以字說水而不知遠失其實矣豫章水導源東北

流逕南野縣北贛川石咀水急行難傾波委注六十

餘里逕贛縣東縣即南康郡治晉太康五年分廬江

立豫水右會湖漢水水出雩都縣今屬贛州府導源西北

流逕金鷄石其石孤竦臨水者老云時見金雞出於

石上故石取名焉湖漢水又西北逕贛縣東西入豫

章水也明一統志貢水漢志名胡漢水源出汀州新樂山經瑞金南入會昌北會雩都寧都諸水

至贛州府城北會于章水漢志名彭水源出南安府贛都山流至府城西環城而北會于貢水贛水

在府城北貢章二水合而為一故名今按鄴元頗非之然近世皆宗其說以豫章為章水湖漢為貢水二

水合流自縣起至萬安縣凡十八灘惟黃公灘最險俗謠為惶恐灘

又西北過廬陵縣西

今江西吉安府秦和縣附屬縣地故城在吉安府

廬陵縣即王莽之桓亭也十三州志曰稱廬水西出

長沙安復縣

今吉安府安福縣本漢安平安成二縣地安平屬豫章郡安成屬長沙國後漢

改安平曰平都屬廬陵郡吳置安成郡治平都晉改為安復縣

武帝元光六年封長

沙定王子劉蒼為侯國即王莽之用成也吳寶鼎中

立以為安城郡東至廬陵入湖漢水也

又東北過石陽縣西

今廬陵縣北六十里有石陽故城晉廬陵郡治也

漢和帝永平九年分廬陵立漢獻帝初平一作興平二年

吳長沙桓王立廬陵郡治此豫章水又逕其郡南城

中有井其水色半青半黃黃者如灰汁取作飲粥悉

皆金色而甚芬香異物志云廬州城中有一井中有二色水半青半黃黃者如灰汁取

作糜粥皆金色土人呼  
灰汁為金因名為金井

又東北過漢平縣南又東北過新淦縣西今屬臨江府

牽水西逕宜春縣漢武帝元光六年封長沙定王子

劉成為侯國王莽之循曉也按漢志當  
作修曉牽水又東逕

吳平縣

晉縣屬豫章郡

舊漢平也晉太康元年改為吳平矣

牽水又東逕新淦縣即王莽之偶亭而

疑譌

注于豫

章水湖漢及贛並通稱也又淦水出其縣下注于贛

水

漢志新淦縣下應劭曰淦水所出西入湖漢今臨江府清江縣東六十里有新淦故城

又北過南昌縣西

今江西治

盱水出南宮縣

南宮當作南城漢志南城縣下盱水西北至南昌入湖漢

西北流

逕南昌縣南西注贛水又有濁水注之

濁漢志作蜀建成縣下蜀

水東至南昌入湖漢明一統志蜀水在今南昌府城西南六十里一名筠河自瑞州高安縣東流入南昌

境與關合流吉安府亦有蜀水注云在秦和縣  
東與禾水合水勢湍急奔瀉如蜀江故名似是兩水

非同一水出康樂縣故陽樂也濁水又東逕望蔡縣

康樂望蔡皆屬漢縣因汝南上蔡民萍居此土晉太康元年

改為望蔡縣濁水又東逕建成縣今為臨江府治漢武帝元

光四年按表當作元朔四年封長沙定王劉拾為侯國王莽更

之名曰多聚也縣出然石異物志曰石色黃白而理

疎以水灌之便熟以鼎著其上炊足以熟置之則冷

灌之則熟如此無窮元康中雷孔章入洛齋石以示

張公張公曰此謂然石於是乃知其名濁水又東至  
南昌縣東流入于贛水贛水又歷白杜西有徐孺子  
墓吳嘉禾中太守長沙徐熙於墓隧種松太守南陽  
謝景於墓側立碑永安中太守梁郡夏侯嵩於碑傍  
立思賢亭松大合抱亭世修治至今謂之聘君亭也  
贛水又北歷南塘塘之東有孺子宅際湖南小洲上

宋曾鞏徐孺子祠堂記章水北逕南昌城西歷白社  
其西有孺子墓又北歷南塘其東為東湖湖南小洲  
上有孺子宅號孺子臺吳嘉禾中太守徐熙於孺子  
墓隧種松太守謝景于墓側立碑晉永安中太守夏



侯嵩於碑傍立思賢亭世世修治至拓拔魏時謂之聘君亭今亭尚存而湖南小洲世不知其嘗為孺子

宅又嘗為臺也子為太守之明年始即其處結茆為堂圖孺子像祀以中牢率州之賓屬拜焉孺子

名稚南昌人高尚不仕太尉黃瓊辟不就桓帝問尚

書令陳蕃徐稚袁宏誰為先後蕃答袁生公族不鏤

自彫至於徐稚傑出薄俗故宜為先桓帝備禮徵之

不至

後漢書徐稚傳桓帝問陳蕃曰徐稚袁閭輩者孰為先後蕃對曰閭生出公族聞道漸訓著長

於三輔禮義之俗所謂不扶自植不鏤自彫至於徐稚者爰自江南卑薄之域而角立傑出宜當為先

太原郭林宗有母憂樨往弔之置生葯於廬前而去衆

不知其故林宗曰必孺子也詩云生芻一束其人如

玉吾無德以堪之年七十二卒贛水又逕谷何氏鹿

洲舊作大編處北堂書鈔云豫章城西有舸艫洲去度支步可二里是呂蒙作舸艫大編

處廣雅舸艫船也贛水又北逕南昌縣城西於春秋

屬楚即令尹于蕩師于豫章者也秦以為廬江南部

漢高祖六年始命灌嬰以為豫章郡治此即灌嬰所

築也何氏云灌嬰當作陳嬰漢書高惠功臣表堂邑侯陳嬰定豫章浙江都漸按何氏以意改陳

嬰恐非是灌嬰傳亦有定豫章之文則鄴注恐不誤也又按通典豫章有灌嬰城亦云灌嬰所築王

莽更名縣曰宜善郡曰九江焉劉歆云湖漢等九水  
入彭蠡故言九江矣陳蕃為太守署徐稚為功曹蕃  
在郡不接賓客唯穉來持設一榻去則懸之此即懸  
榻處也建安中更名西安晉又名為豫章城之南門  
曰松楊門門內有樟樹高七丈五尺大二十五圍枝  
葉扶疎垂陰數畝應劭漢官儀曰豫章郡樹生庭中  
故以名郡矣此樹嘗中枯逮晉永嘉中一旦更茂豐  
蔚如初咸以為中宗之祥也禮斗威儀曰君政訟平

豫章常為生大興中元皇果興大業於南故郭景純南郊賦云弊樟擢秀於祖邑是也以宣王祖為豫章

故也

晉書宣帝紀曾祖量字公度官豫章太守

贛水北出際西北歷度支

步是晉度支校尉立府處步即水渚也贛水又逕郡

北為津步步有故守要明

當作賈萌復漏廟字賈萌廟在今新建縣治北

與

安成侯張普爭地為普所害即日靈見津渚故民為

立廟焉

太平御覽引安成記云賈萌為豫章太守與安成侯張普爭境戰于新茨之野為普所害

與此正同而謝承漢書則云賈萌為豫章太守與守王莽篡漢舉兵誅莽不克而死與此異 水之西

岍有磐石謂之石頭津步之處也西行二十里曰散  
原山疊障四周杳邃有趣晉隆安末沙門竺曇顯建  
精舍於山南僧徒自遠而至者相繼焉西北五六里

有洪井飛流懸注其深無底舊說洪涯先生之井也

北五六里有風雨池言山高瀨激激著樹木樹木

字二

疑霏散遠灑若雨西有鸞置洪涯先生乘鸞所憩泊

也置西有鵠嶺云王子喬控鶴所逕過也有二涯

疑當

作號曰小簫按項本作號曰大簫小簫言簫史所遊萃處也雷次

宗云此乃繫風捕影之論據實本所未辨聊記奇聞  
以廣井魚之聽矣又案謝莊詩莊嘗遊豫章觀井賦

詩言鸞竄四周有水謂之鸞陂似非虛論矣東

疑漏去字

太湖

二字疑

十里二百二十六步北與城齊南緣迴折

至南塘本通大江增減與江水同漢永元中太守張

躬築塘以通南路兼遏此水冬夏不增減水至清深

魚甚肥美每於夏月江水溢塘而過居民多被水害

至宋景平元年太守蔡君西起堤開塘為水門水盛

則閉之內多則洩之自是居民少患矣贛水又東北

逕王步步側有城云是孫奮為齊王鎮此城之渚

吳志

孫奮字子揚權仲姬之子也太元二年立為齊王權薨諸葛恪秉政移奮南昌今謂之王步

蓋齊王之渚步也郡東南二十餘里又有一城號曰

齊王城築道相通蓋其離宮也贛水又北逕南昌左

尉解西漢帝時九江梅福為南昌尉居此後福一旦

捨妻子去九江傳云得僊贛水又北逕龍沙西沙甚

潔白高峻而陔有龍形連亘五里中舊俗九月九日

升高處也昔有人於此沙得故冢刻磚題云西去江  
七里半筮言其吉卜言其凶而今此冢垂没于水所

謂筮短龜長也贛水又逕郴丘城下建安四年孫策

所築也

雷次宗豫章記云建安四年孫策破劉勲於  
潯陽欲謀取豫章太守華歆于郡下流一百

四十里臨江築椒丘城以備之江表傳云孫策在椒  
丘遣虞翻華歆即其地也今在南昌府城一百四

十里贛水又歷釣圻邸閣下度支校尉治太尉陶侃移

置此也舊夏

疑二

字月邸閣前洲没去浦遠景平元年

校尉豫章因運出之力

疑作

於渚次聚石為洲長六



十餘丈洲裏可容數十舫贛水又北逕鄆陽縣

鄆陽漢屬

豫章郡晉屬鄆陽郡劉宋時廢故城在今饒州府西一百四十里

王莽豫章縣也餘

水注之水東出餘汗縣

今饒州府餘干樂平等縣

王莽名之曰治

干也餘水北至鄆陽縣注贛水贛水又與鄆水合水

出鄆陽縣東

今為饒州府治故城在府城東六十里

西逕其縣南武陽

鄉也地有黃金可采王莽改曰鄉亭孫權以建安十

五年分為鄆陽郡

水上當有鄆字

水又西流注於贛又有僚

水入焉其水導源建昌縣

今屬南康府

漢元帝永光二年

分海昏立僚水東逕新吳縣

今為南昌  
秦新縣

漢中平中立

僚水又逕海昏縣王莽更名宜生謂之上僚水又謂

之海昏江分為二水縣東津上有亭為濟渡之要其

水東北逕昌邑而東出豫章大江謂之曰慨

漏口字  
今南康

府建昌縣西六十里有昌邑  
城豫章大江謂潯陽江也昔漢昌邑王之封海昏

也每乘流東望輒憤慨而還世因名焉

豫章記曰昌  
邑城東十三

里縣列江邊名慨口其一水枝分別注入于循

一作  
修水

按修循二字古通用水也

又北過彭澤縣西

今南康府治及九江府彭澤縣

循水出艾縣而東北逕豫章寧縣故西安也晉太康

元年更從今名循水又逕

疑衍

東北逕永循縣

今南康府

安義縣西南四十里有永修廢縣

漢靈帝中平二年立循水又東北

注贛水其水總納十川同溱

疑謫宋本作溱

一瀆俱注於彭

蠡也

北入于江

大江南贛水總納洪流東西四十里而清潭遠漲綠

波凝淨而會注于江川

禹貢錐指以今輿地言之贛水自湖廣郴州宜章

縣流入江西宗義縣界歷上猶南康並屬南安府贛縣

贛州府治萬安泰和廬陵吉水永豐並屬吉安府峽江新淦

清江並屬臨江府豐城至南昌入彭蠡湖並屬南昌府又北

歷星子都昌並屬南康府德化湖並屬九江府注於大江

春夏時彭蠡浩蕩無涯及乎霜降水涸則贛川如

帶而已此水自昔有南江之稱鄭康成說三江云

右會彭蠡為南江南史王僧辨傳陳霸先自嶺南起兵討侯景出南江行至湓口胡三省曰贛水謂之南江唐張九齡都督洪州有望江南入始興郡路詩又有自豫章南還江上作云歸去南江水磷磷見底清豫章水之為南江其來已久非宋人臆說也

廬江水出三天子都北過彭澤縣西北入于江

山海經三天子都一曰天子鄣王彪之廬山賦叙曰

廬山彭澤之山也雖非五嶽之數宮隆嵯峨實峻極  
之名山也孫放廬山賦曰尋陽郡南有廬山九江之  
鎮也臨彭蠡之澤按平敞之原山圖曰山四方周四  
百餘里疊鄣之巖萬仞懷靈抱異包諸僊跡豫章舊  
志曰廬俗字君孝本姓匡父東野王共鄱陽令吳芮  
佐漢定天下而亡漢封俗於鄡陽曰越廬君俗兄弟  
七人皆好道術遂寓精於洞庭何氏改之山故世謂  
之廬山漢武帝南巡覩山以為神靈封俗大明公遠

法師廬山記曰殷周之際匡俗先生奚道

何氏據後漢書注改

受道人共遊此山時人謂其所止為神僊之廬因以

名山矣又案周景式曰廬山匡俗字子孝本東里子  
出周武王時生而神靈屢逃徵聘廬於此山時人敬  
事之俗後化僊空廬尚存弟子覩室悲哀哭之且暮  
同烏號世稱廬君故山取號焉斯乃傳聞之談非實  
證也故豫章記以廬為姓因廬以氏周氏遠師或託  
廬墓為辭假憑虛以託稱二證既違三情互爽按山

海經創志大禹記錄遠矣故海內東經曰廬山出三天子都入江彭澤西是曰廬江之名山水相依互舉殊稱明不因匡俗始正是好事君子強引此類用成章句耳又按張華博物志曹著傳其神自云姓徐受封廬山後吳猛經過山神迎猛猛語曰君王此山近六百年符命已盡不宜久居非據猛又贈詩云仰矚列僊館俯察王神宅曠載暢幽懷傾蓋付三益此乃神道之事亦有換轉理難詳矣吳猛隱山得道者也



尋陽記曰廬山上有三石梁長數十丈廣不盈尺杳  
然無底吳猛將弟子登山過此梁見一翁坐桂樹下  
以玉盃承甘露漿與猛又至一處見數人為猛設玉  
膏猛弟子竊一寶欲以來示世人梁即化如指猛使  
送寶還手牽弟子令閉眼相引而過其山川明淨風  
澤清曠氣爽節和土沃民逸嘉遁之士繼響窟窟龍  
潛鳳來之賢往者忘歸矣秦始皇漢武帝及太史公  
司馬遷咸升其巖望九江而眺鍾彭馬廬山之北有

石門水水出嶺端有雙石高竦其狀若門因有石門  
之目焉水導雙石之中懸流飛澗近三百許步下散  
漫數十步上望之連天若曳飛練于霄中矣下有磐  
石可坐數十人冠軍將軍劉敬宣每登陟焉其水厯  
澗逕龍泉精舍南太元中沙門釋惠遠所建也其水  
下入江嶺南即彭蠡澤西天子障也峰蹬險峻人跡  
罕及

晉廬山諸道人遊石門詩序云石門在精舍南  
十符里一名障山基連大嶺體絕衆阜闢三泉

之會並立而間流傾巖玄映其上蒙形表於自然故  
因以為名此廬山之一隅實斯地之奇觀皆傳之

於舊俗而未覩者衆將由懸瀨險峻人  
獸迹絕逕迴曲阜路阻行艱坎窄經馬  
嶺南有大道

順山而下有若畫馬傳云匡先生所通一作至江道

巖上有宮殿故基者三以次而上最上者極於山峰

山下又有神廟號曰宮亭廟故彭湖亦有宮亭之稱

馬余按爾雅云大山曰宮何氏云爾雅以大山宮小

按爾雅釋大山宮小山霍郭注宮圍繞之也宋邢昺  
疏曰小山在中大山在外圍繞之山形如此者名霍

非謂大山名宮小山名霍也據疏則道元所引同誤  
但酈是北魏時人邢是沛宋時人先後相去幾五百

年馬知不如酈氏作大山曰宮爲句乎豈先引在數百  
年之前者不可信而疏在數百年之後者反可信乎

況景純之注亦僅曰宮圍繞之也初無以大山圍小山之說抑疏近乎穿鑿若果以宮小山為句則靈上當有曰字何之歟亦未允當兩存之可也宮之為名蓋起於此不必一議

由三宮也山廟甚神能分風擘流任舟遣使行旅之人過必敬祀而後得去故曹毗咏云分風為貳擘流為兩昔吳郡太守張公直自守徵還道遊廬山子女觀祠婢指女戲妃像人其妻夜夢致聘怖而遽發明引中流而船不行合船驚懼曰愛一女而合門受禍公直不忍遂令妻下女於江其妻布席水上以其亡

兄女代之而船得進公直方知兄女怒妻曰吾何面  
於當世也復下已女於江中將度逕見二女於所側  
傍有一吏立曰吾廬君主簿敬君之義悉還二女故  
千寶書之於感應篇焉山東有石鏡照水之所出有  
一圓石懸崖明淨照見人形晨光初曜則延曜入石  
豪細必察故名石鏡焉又有二泉常懸注若白雲帶  
山廬山記曰白水在黃龍南即瀑布也水出山腹挂  
流三四百丈飛湍林表望若懸素注處悉巨井其深

不測其水下入江淵廬山之南有上霄石高壁緬然  
與霄漢連接秦始皇三十六年嘆斯岳遠遂記為上  
霄馬上霄之南大禹刻石誌其丈尺里數今猶得刻石  
之號焉湖中有落星石周迴百餘步高五丈上生竹木  
傳云有星墜此因以名焉又有孤石介立太湖中周  
迴一里竦立百丈轟然高峻特為瓌異上生林木而  
飛禽罕集言其上有玉膏可採所未詳也耆舊云昔  
禹治洪水至此刻石紀功或言秦始皇所勒然歲月

已久莫能辨之也

水經注集釋訂訛卷三十九



欽定四庫全書

水經注集釋訂訛卷四十

歸安沈炳巽撰

漸江水 斤江水

漸江水出三天子都

山海經謂之游江也地理志云水出丹陽黟縣

今屬徽州

府及祁門縣

南蠻中北逕其縣南有博山山上有石特起

十丈上峰若劔杪時有靈鼓潛發官長臨縣以山鼓

為候一鳴官長一年若長雷發聲則官長不反游江

又北歷黝山縣居山之陽故縣氏之漢成帝鴻嘉二

年以為廣德國封孫雲客主於此

漢書成帝紀鴻嘉二年六月立中山

憲王孫雲客為廣德王

晉太康中以為廣德縣

今為江南廣德州

分隸

宣城郡會稽陳業潔身清行遁跡此山

孔曄會稽志云陳業上虞

人為會稽太守潔身修行志懷霜雪貞亮之信同操柳丁遺漢中徵委官棄祿遁跡黔歛以求其志浙

江又北逕翁縣東

今徽州府治

與一小溪合水出縣東北

翁山西逕故城南又西南入浙江又東逕遂安縣

晉縣

屬新安郡本漢歙縣南境今屬浙江嚴州府

南溪廣二百步上立杭以相

通水甚清深潭不掩鱗故名新安分歙縣立之晉太

康中又改從今名浙江又左合絕溪溪水出始新縣

西

本漢歙縣地吳置始新縣今為嚴州府淳安縣

東逕縣故城南為東西長

溪溪有四十七瀨濬流驚急奔波聒天孫權使賀齊

討黟歙山賊賊固黟之林厯山

在黟縣西南一十里

山甚峻絕

又工禁五兵齊以鐵杙琢山升出不意人以白楛繫

之氣禁不行遂用奇功平賊

吳志賀齊傳齊字公苗會稽山陰人也為威武

中郎將討丹陽黠賊陳僕祖山等屯林厯山四面壁立高數十丈徑路危狹不容刀楯賊臨高下石不可得攻軍任經日軍吏患之齊身出周行觀視行便陰募輕捷士為作鐵戈密于隱險賊所不備處以戈拓斬山為緣道夜令潛上乃多懸布以援下人得上百數人四而流布俱鳴鼓角齊勒兵待之賊夜聞鼓聲四合謂大軍悉已得上驚懼惑亂不知所為守路備險者皆走還依衆大軍因是得上大破僕等餘皆降抱朴子曰昔賀將軍討山賊賊中有善禁者每當交戰官軍刀劍不得拔弓弩射矢皆還自向輒致不利賀曰吾聞金有刀者可禁蟲有毒者可禁其無刃之物無毒之蟲則不可禁乃多作勁木白楛選精卒五千人為先登盡捉楛賊恃其有善禁者了不嚴備于是官軍以白楛擊之禁者果不復行所擊殺者萬

於是立始新之尉於歙之華鄉令齊守之

按齊傳云

齊表分歿為新定黎陽休陽并黟歿凡六縣權遂割  
為新郡郡齊為太守立府於始新據傳則尉似宜作

府字宋本作都尉亦恐非是

後移出新亭晉太康元年改曰新安

郡溪水東注浙江浙江又東北逕建德縣南

今為嚴州府治

縣北有烏山山下有廟廟在縣東七里廟渚有大石

高十丈五尺圍

宋本作五十圍

水瀨濬激而能致雲雨浙江

又東逕壽昌縣南自建德至此八十里中有十二瀨

瀨皆峻險行旅所難縣南有孝子夏先墓先少喪二

親負土成墓數年不勝卒浙江水又北逕新城縣

今屬

杭州府桐溪注之水出吳興郡晉立於潛縣今屬杭州府北

天目山山極高峻岬嶺竦疊西臨後澗山上有霜木

皆是數百年樹謂之翔鳳林東面有瀑布下注數畝

深沼名曰蛟龍池池水南逕流縣西為縣之西溪在武

林山溪水又東南與紫溪合水出縣西百丈山即潛

山也山擬作水東南流名為紫溪明一統志在於潛縣南三十里源出

天目山龍湫過昌化柳源兩溪合流入分水縣界溉田四千餘頃有石在溪南此立其聲清越名響石

中道挾水有紫色磐石石長百餘丈望之如朝霞又

名此水為赤瀨蓋以倒影在水故也紫溪又東南流  
逕白山之陰山甚峻極北臨紫溪又東南連山挾水  
兩峰峙交反頂對石往往相捍十餘里中積石磊阿  
相挾而上澗下白沙細石狀若霜雪水木相映泉石  
爭暉名曰樓林紫溪東南流逕桐廬縣東今屬嚴州府桐江在  
縣北三里亦名桐溪為桐溪孫權籍溪之名以為縣目割富春  
之地立桐廬縣自縣至於潛凡十有六瀨第二是嚴  
陵瀨瀨帶山山下有石室漢光武時嚴子陵之所居

也故山及瀨皆即人姓名之山下有磐石周迴十數

丈交枕潭際蓋陵所游也

嚴陵山在桐廬縣西三十里一名富春山前臨大江

上有東西二釣臺

桐廬溪又北逕新城縣入浙江縣故富春

也孫權省并桐廬咸和元年復立為縣浙江又東北

入富陽縣

今屬杭州府

故富春也晉后名春改曰富陽也

晉書宣穆張皇后諱春華生景帝文帝故諱春字曰陽春秋曰陽秋富春曰富陽也

東分為湖

浦浙江又東北逕富春縣南縣故王莽之誅歲也江

南有山孫武皇之先所葬也漢末墓上有光如雲氣



屬天黃武四年

吳志作五年

孫權以富春為東安郡分置

諸縣以討士宗

吳志吳王傳黃武五年分三郡惡地十縣置東安郡以全琮為太守平討

山越此云以討士宗蓋誤以全為士以琮為宗又脫為太守以下數字故難解耳

浙江又東

北逕亭山西山上有孫權父冢

北過餘杭

今屬杭州府

東入于海

浙江逕縣左合餘干

撮作杭

大溪江北即臨安縣界水

北對郭文宅傍山面溪宅東有郭文墓晉建武元

年驃騎王導迎文置之西園文逃此而終臨安今改

葬之

晉書隱逸傳郭文宇文舉河內軹人少愛山水尚嘉遯鹿表葛巾區種菽麥王導聞其名迎至

西園七年未嘗出入亘逃歸臨安結廬舍于山中後以病卒臨安令萬寵葬之於所居之處而祭哭之

建安十六年縣民郎雅亂賀齊討之孫權分餘杭立

臨水縣晉改曰臨安縣因崗為城南門尤高謝安蒞

郡游縣逕此門以為難為亭長浙江又東逕餘杭故

縣南新縣北秦始皇南遊會稽途出是地因立為縣王

王芥之晉睦也

漢志芥曰進睦

漢末

原本譌未

陳渾移築南城縣

後溪南大塘即渾立以防水也縣南有三碑是顧颺

范甯等碑縣南有大壁山

按圖經餘杭有大潞山在縣南十八里此云大壁山在

即大潞也郭文自陸渾遷居也浙江又東逕烏傷縣北今為

金華府治及東陽等縣

王莽改曰烏孝郡國志謂之烏傷吳苑

曰東陽顏烏以淳孝著聞後有羣烏銜鼓集顏烏所居之村烏口皆傷一境以為顏烏至孝故致茲烏一本

茲作慈疑為疑烏字或作鼓字欲令孝聲遠聞又名其縣曰烏傷矣

異光云羣烏銜鼓集顏所居村烏口皆傷一境以為顏至孝故致慈烏來萃銜鼓之故今襲者遠聞即以

鼓處立縣名烏傷王莽改曰烏孝以章其行迹云浙江又東北流至錢塘縣

今杭州府治

穀水入馬水源西出太末縣

漢志大末縣穀水東北至錢唐

入江漢太末縣今為衢州府治及諸屬縣穀水在今龍游縣北五里

縣是越之西部姑

蔑之地也秦以為縣王莽之末理也

漢志作末治北作理唐時避諱

也吳寶鼎中分會稽隸東陽郡穀水東逕獨松故塚

下塚為水毀其磚文筮言吉龜言凶百年墮水中今

則同龜繇矣穀水又東逕長山縣南

今為金華府治金華縣與

永康水合縣西東陽郡治也縣漢

原本滿獻帝分烏傷

立郡吳寶鼎中分會稽置城居山之陽或謂之長僊

縣也言赤松採藥此山因而居之故以為名後傳呼

乖謬字亦因改溪水南出永康縣

今屬金華府

縣赤烏中

分烏傷上浦立劉敬叔異苑曰孫權時永康縣有人  
入山遇一大龜即束之以歸龜便言曰游不量時為

君所得擔者怪載出欲上吳王夜宿越里纜船於大  
桑樹宵中樹忽呼龜曰元緒奚事爾也龜曰行不擇

日今方見烹雖

雖下當有然字

盡南山之樵不能潰我樹曰

諸葛元遜識性淵長必致相困今求如我之徒計將

安泊龜曰子明無多辭既至建業權將煮之燒柴萬

車語猶如故諸葛恪曰然以老桑乃熟獻人仍

疑作乃

說龜言權使伐桑取煮之即爛故野呼龜曰元緒其

水飛湍北注至縣南門入穀水穀水又東定陽溪水

注之上承信安縣之蘇姥布

疑作泉

縣本新安縣晉武

帝太康三年改曰信安

今為嚴州府淳安縣

水懸百餘丈瀨勢

飛注狀如瀑布瀨邊有如石床床上有石牒長三尺

許有似雜綵帖也東陽記云信安縣有縣室坂晉中

朝時有民王質伐木至石室中見童子四人彈琴而  
歌質因留倚柯聽之童子以一物如棗核與質質含  
之便不復饑俄傾童子曰其歸承聲而去斧柯漼然  
爛盡既歸質去家已數十年親情凋落無復向時比  
矣其水分納衆流混波東逝定陽縣夾岍緣溪悉  
生支竹及芳枳木連雜以霜菊金橙白沙細石狀若  
凝雪石溜湍波浮響無輟山水之趣尤深人情縣漢  
獻帝分信安立溪亦取名焉溪水又東逕長山縣北

北對高山山下水際是赤松羽化之處也炎帝少女

追之亦俱僊矣

列僊廟赤松子神農時雨師也服水玉以教神農能入火不燒常止王母

石室中隨風雨上下炎帝少女追之亦得僊俱去後人立廟於山下溪水又

東入于穀水又東逕烏傷縣之雲黃山山下臨溪水

水際石壁傑立高一百許丈又與吳寧溪水合水出

吳寧縣下逕烏傷縣入穀謂之烏傷溪水閩中有徐

登者女子化為丈夫與東陽趙昞並善越方

越方即封禪書

所謂越巫越祝者也時遭兵亂相遇於溪各示所能登先禁溪



水為之不流晒次禁枯柳柳為生菓二人相視而笑  
登年長晒師事之後登身故晒東入章安百姓未知  
晒乃升茅屋支鼎而爨主人驚怪晒笑而不應屋亦  
不損又嘗臨水求渡船人不許晒乃張蓋坐中長嘯  
呼風亂流而濟於是百姓神服從者如歸章安令惡  
而殺之民立祠於永寧而蚊蚋不能入晒秉道懷術  
而不能全身避害事同萇弘宋元之龜

詳左傳及史  
記龜策傳

厄運之來故難救矣穀水又東入錢塘縣而左入浙

江故地理志曰穀水自太末東北至錢塘入浙江是也浙江又東逕靈隱山山在四山之中有高崖洞穴

左右有石室三所又有孤石壁立大三十圍其上開

散狀似蓮花昔有道士歸

朱本作長

往不歸或因以稽留

為山號山下有錢塘故縣浙江逕其南王莽更名之

曰泉亭地理志曰會稽西部都尉治錢塘記曰防海

大塘在縣東一里許郡議曹華信家議立此塘以防

海水始開幕有能致一斛土者即與錢一千旬月之

間來者雲集塘未成而不復取於是載土石者皆棄  
而去塘以之成故改名錢塘焉縣南江側有明聖湖  
父老傳言湖有金牛古見之神化不測湖取名焉縣  
有武林山武林水所出也闕駟云山出錢水東入海  
吳地記言縣唯浙江今無此水縣東有定已疑作  
邑諸  
山皆西臨浙江水流於兩山之間江川急濬兼濤水  
晝夜再來來應時刻常以月晦及望尤大至二月八  
月最高峨峨二丈有餘吳越春秋以為子胥文種之

神也昔子胥死於吳而浮尸于江吳人憐之立祠於江上名曰胥山吳錄曰胥山在太湖邊去江不百里故曰江上文種成疑謫於越而伏劍于山陰越人哀

之葬於重山文種既葬一年子胥從海上負種俱去游夫江海故潮水之前揚波者伍子胥後重水者大

夫種是以枚乘曰

何氏云元人以七發之曲江為濤浙江蓋因此書引枚生語也

無記焉然海水上潮江水逆流似神而非於是處焉秦始皇三十七年將遊會稽至錢塘臨浙江所不能

渡故道餘杭之西津也浙江北合詔息湖湖本名昨  
湖因秦始皇帝巡狩所憇故有詔息之名也浙江又  
東合臨平湖異苑曰晉武時吳郡臨平岾崩出一石  
鼓打之無聲以問張華華曰可取蜀中桐材刻作魚  
形扣之則鳴矣於是如言聲聞數十里劉道民宋孝  
武帝  
小詩曰事有遠而合蜀桐鳴吳石傳言此湖草穢壅  
塞天下亂是湖開天下平孫皓天璽元年吳郡上言  
臨平湖自漢末穢塞今更開通又於湖邊得石函函

中有小石青白色長四寸廣二寸餘刻作皇帝字於是改天冊為天璽元年孫武以為元皇中興之符徵五湖之石瑞也錢塘記曰桓元之難湖水色赤熒熒如丹湖水上通浦陽江下注浙江名曰東江行旅所從以出浙江也又逕會稽山陰縣有苦竹里里有舊城言勾踐封范蠡子之邑也浙江又東與蘭溪合湖南有天柱山湖口有亭號曰蘭亭亦曰蘭上里太守王羲之謝萬兄弟數往造焉吳郡太守謝朓封蘭亭

侯蓋取此亭以為封號也太守王廡之移亭在水中  
晉司空何無忌之臨郡也越亭於山椒極高盡眺矣  
亭宇雖壞基陛尚存浙江又逕越王允常冢北冢在  
木客村者彥云勾踐使工人伐檜楫欲以獻吳久不  
得歸工人憂思作木客吟後人因以名地勾踐都琅  
琊欲移允常冢冢中生分分吳越春秋作標春風飛沙射人  
不得近勾踐謂不欲遂止浙江又東北得長湖口湖  
廣五里東西百三十里沿湖開水門六十九所下漑

田萬頃比瀉長江湖南有覆斛山周五百里北連鼓吹山山西枕長谿谿水下注長湖山之西嶺有賀臺越入吳還而成之故號曰賀臺又有秦望山在州城正南為衆峰之傑陟境便見史記云秦始皇登之以望南海自平地以取山頂七里縣燈孤危峭路險絕記云扳蘿捫葛然後能升山上無高木當由地迥多風所致山南有嶠峴峴裏有大城越王無餘之舊都也故吳越春秋云勾踐語范蠡曰先君無餘國在南山



之陽社稷宗廟在湖之南又有會稽之山古防山也

亦謂之為茅山又曰棟山越絕云棟猶鎮也蓋周禮所

謂揚州之鎮矣山形四方上多金玉下多玦石山海

經曰夕水出焉南流注于湖

按山海經作會稽之山其上多金玉下多玦石

勻水出焉而南流注于澳與此不同吳越春秋稱山覆釜之中有金簡

玉字之書黃帝之遺識也山下有禹廟廟有聖姑像

禮樂緯云禹治水旱天賜神女聖姑即其像也山上

有禹冢昔大禹即位十年東巡狩崩于會稽因而葬

之有鳥來為之耘春拔草根秋啄其穢是以縣官禁  
民不得妄害此鳥犯則刑無赦山東有礪去廟七里  
深不見底謂之禹井云東游者多探其穴也秦始皇  
登稽山刻石紀功尚存山側孫暢之述征書云丞相  
李斯所篆也又有石山石形似御覽引此作石  
匱山山形似匱上有  
金簡玉字之書夏禹發之得百川理也又有射的山  
遠望山的狀若射侯故謂射的射的之西有石室名  
之為射堂年登否常占射的以為貴賤之准的明則

米賤的閹則米貴故諺云射的白斛米百射的玄斛  
米千北則石帆山山東北有孤石高二十餘丈廣八  
丈望之如帆因以為名北臨大湖水深不測傳與海  
通何次道作郡常於此水中得烏賊魚南對精廬上  
蔭水水下瞰寒泉西連稽山皆一山也東帶若耶溪  
吳越春秋所謂歐冶鑄何氏云若耶之谿洞而出銅  
見越絕書此銅字當作洞  
以成五劍溪水上承嵯峴麻溪溪之下孤潭周數畝  
甚清深有孤石臨潭垂崖俯視援狻驚心寒木被潭

森沈駭觀上有一櫟樹謝靈運與從弟惠連嘗遊之  
作連句題刻樹側麻潭下注若邪溪水至清照衆山  
倒影窺之如畫漢世劉寵作郡有政績將解任去治  
此溪父老人持百錢出送寵各受一文然山棲遁逸  
之士谷隱不羈之民有道則見物以感遠為貴荷泉  
致意故受者以一錢為榮豈藉費也義重故耳溪水  
下注大湖若耶溪之東又有寒溪溪之北又有鄭公  
泉泉方數丈冬溫夏涼漢太尉鄭宏宿居潭側因以

名泉引少以苦節自居恒躬采伐用貿糧膳每出入  
谿津常感神風送之雖憑舟自運無杖屨之勞村人  
貪藉風勢常依隨往還者徒輩相謂汝不欲  
及鄭風邪其感致如此湖水自東亦注江通海水側  
有白鹿山山北湖塘上舊有亭吳黃門郎楊哀明居  
於引訓里太守張景數往造焉使開瀆作埭疑更有  
一埭字  
之西作亭亭埭皆以楊為名孫恩作賊從海來楊亭  
被燒後復修立殿名猶在東有銅牛山山有銅穴三

十許丈穴中有大樹神廟山上有冶官山北湖下有  
練塘里吳越春秋云勾踐鍊冶銅錫之處採炭于南  
山故其間有炭瀆勾踐臣吳王封勾踐於越百里  
之地東至炭瀆是也縣南九里有侯山山孤立長湖  
中晉車騎將軍孔敬康少時遁世栖迹此山

孔曄會稽志云

孔恂字敬康以論議中正為王導所銜出為會稽內史在郡三年乃營山陰湖南侯山下數畝地為宅草屋數間便棄官居之

湖北有三小山謂之鹿野山在縣南六里

按吳越春秋越之麋苑也山有石室言越王所游息

處矣縣湖北有陳音山楚之善射者曰陳音越王問以射道又善其說乃使簡士習射北郊之外按吳越春秋音死葬於國西山上今陳音山乃在國南五里湖北有射堂及諸邸舍連衍相屬又於湖中築塘直指南山北即大越之國秦改為山陰縣會稽郡治也太史公曰禹會諸侯計於此命曰會稽者會計也始以山名因為地號夏后少康封少子杼以奉禹祠為越世歷殷周至于允常列於春秋允常卒勾踐稱王

都于會稽吳越春秋所謂越王都埤中在諸暨北界  
山陰康樂里有地名邑中者是越事吳處故北其門  
以東為右西為左故雙闕在北門外闕北百步有雷  
門門樓兩層勾踐所造時有越之舊木矣州郡館宇  
屋之大瓦亦多是越之故物勾踐霸世徙都瑯琊後  
為楚伐始還浙東城東郭外有靈汜下水甚深舊傳  
下有地道通於震澤又有勾踐所立宗廟在城東明  
里中甘滂南又有王筍竹林雲門天柱精舍並疏山



創基架林裁宇

上下疑有脫文

澗延流盡泉石之好水流逕

通浙江又北逕山陰縣西西門外百餘步有怪山本  
瑯琊郡之東武縣山也飛來從此壓殺數百家吳越  
春秋稱怪山者康武海中山也一名自來山百姓怪  
之號曰怪山亦云越王無疆為楚所伐去瑯琊止東  
武人隨居山下遠望此山其形似龜故亦有龜山之  
稱也越起靈臺於此上又作三層樓以望雲物川土  
明秀亦為勝地故王逸少云從山陰道上猶如鏡中

行也浙江之上又有大吳王小吳王村並是闔閭夫  
差伐越所舍處也今悉民居然猶存故目昔越王為  
吳所敗以五千餘衆栖于稽山卑身待士施必及下  
呂氏春秋曰越王之栖於會稽也有酒投江民飲其  
流而戰氣自倍所投即浙江也許慎晉灼並言江水  
至山陰為浙江江之西岸有朱室堤勾踐百里之封  
西至朱室為此也浙江又東北逕重山西大夫文種  
之所葬也山上有白樓亭亭本山下縣令殷朗移置

今處沛國桓儼避地會稽聞陳業履行高潔往候不見儼後浮海南入交州臨去遺書與業不因行李繫白樓亭柱而去升陟遠望山湖滿目也永建中陽羨周嘉上書以縣遠赴會之難求得分置遂以浙江西為吳以東為會稽漢高帝十一年亦吳也後分為三世號三吳吳興吳郡會稽其一焉浙江又東逕御兒源本鄉萬善厯曰吳黃武六年正月獲彭綺是歲由譌而拳西鄉有產兒隨便能語云天明河欲清脚折金乃

生是因詔為語兒鄉非也禦兒之名遠也蓋無智之徒因藉地名生情穿鑿耳國語曰勾踐之地北至禦兒是也安得引黃武證地哉常昭曰越北鄙在嘉興浙江又東逕柴辟南舊吳楚之戰地矣備候於此故謂之辟塞是以越絕稱吳

越絕吳下有古字

故從由拳辟塞

渡會夷湊山陰是也浙江又逕固陵城北昔范蠡築城於浙江之濱言可以固守謂之固陵今之西陵也浙江入東逕祖塘謂之祖瀆昔太守王朗拒孫策數

戰不利孫靜果說策曰朗負門守難可卒拔祖瀆祖瀆

當作祖瀆紫兵書作查瀆此作祖傳  
寫之誤古人書多作祖音祖加反去此數十里是

要道也若從此出攻其不備破之必也策從之破朗

於固陵有西陵湖亦為之西城湖湖西有湖城山東

有夏架山湖水上承妖臯溪而下注浙江又逕永興

縣南今為蕭山縣縣在會稽東北一百二十里也闔閭弟

夫槩之故邑也王莽之餘衍也漢末童謠云天子當

興東南三餘之間故孫權改曰元興縣濱浙江又東

合浦陽江江水之導源烏傷縣

今為金華府東陽義烏等縣

又東

逕諸暨縣與洩溪合溪廣數丈中道有兩高山夾溪造雲壁立凡有三洩洩縣三十餘丈廣十丈中二洩不可得至登山望遠乃得見之下洩縣百餘丈水勢高急聲震水外上洩懸二百餘丈望若雲垂此是瀑布土人號為洩也江水又東逕諸暨縣南縣臨對江流江南有射堂縣北帶烏山故越地也夫槩王之故邑先名上諸暨亦曰勺無矣故國語曰勺踐之地南

至句無王莽之疎虜也夾水多浦浦中有大湖春夏  
多水秋冬涸淺江水又東南逕剡縣與白石山水會  
山上布當作瀑布懸水三十丈下注浦陽江浦陽江

水又東流南屈又東迴北轉逕剡縣東王莽之盡忠  
也縣開東門向江江廣二百餘步自昔者舊傳縣不  
得開南門開南門則有賊盜江水翼縣轉注故有東  
渡西渡焉東南二渡通臨海並汎單船為浮航西渡  
通東陽併二十五船為橋航江邊有查浦浦東行二

百餘里與句章接界浦裏有六里有五百家並夾浦居列門向水甚有良田有清溪餘洪溪大發溪小發

溪江上有溪

疑衍

六溪列溉

有脫文

散入江夾溪上下

崩崖若傾東有簞山

會稽志云簞山在嵊縣東三十里孔晔曰山遙望之如鋪簞

也南有黃山與白石三山為縣之秀峰山下衆流前

導湍石激波浮嶮四注浦陽江又東逕石橋廣八丈

高四丈下有石井口徑七尺橋上有方石長七尺廣

一丈二尺橋頭有磐石可容二十人坐溪水兩傍悉



高山山有石壁二十許丈溪中相攻聒響外發未至  
橋數里便聞其聲江水北逕崦山山下有亭亭帶山  
臨江松嶺森蔚沙渚平淨浦陽江又東北逕始寧縣  
嶧山之成工嶠嶠壁立臨江欹路峻狹不得併行行  
者牽木梢進不敢俯視嶠西有山孤峯特上飛禽罕  
至嘗有採藥者沿山見疑有通溪尋上於山頂樹下  
有十二方石地甚方潔會稽志作地甚光潔還復更尋遂迷前  
路言諸山之所醮讌故以壇讌名山嶠北有嶧浦浦

口有廟廟甚靈驗行人及樵伐者皆先敬焉若相侵竊必為蛇虎所傷北則嶧山與嵒山相接二山雖曰異縣而峰嶺相連其間傾澗懷烟泉溪引霧吹畦風馨觸岫延賞是以王元琳謂之神明境事備謝康樂山居記浦陽江自嶧山東北逕太康湖車騎將軍謝玄田居所在會稽志引此作舊居所在右濱長江左傍連山平陵修通澄湖遠鏡於江曲起樓樓側悉是桐梓森聳可愛民居號為桐亭樓樓兩面臨江盡升眺之趣蘆人

漁子汎濫滿馬湖中築路東出趣山路甚平直山中  
有三精舍高甍凌虛垂簷帶空俯眺平林烟香在下

會稽志引此作俯眺平烟香然在下

水陸寧晏足為避地之鄉矣江有

琵琶圻圻有古塚隨水甃有隱起字云筮吉龜凶八  
百年落江中謝靈運取甃詣京咸傳觀焉乃如龜繇  
故知冢已八百年矣浦陽江又東北逕始寧縣西本  
上虞之南鄉也漢順帝永建四年陽羨周嘉上書始  
分之舊治水西常有波湖之患晉中興之初治今處

縣下有小江源出岷山謂之岷浦逕縣下西流注于浦陽葆山下注此浦浦西通山陰浦而達於江廣一

百

朱箋謝兆申云宋本江廣百丈黃本作江廣一百回誤吳本作百里亦非

狹處二百步

高山帶江重蔭被水江閱漁商川交樵隱故桂棹蘭棹望景爭途江南有故城太尉劉牢之討孫恩所築

也江水東逕上虞縣南

疑衍

至王莽之會稽也本司

鹽都尉治也地名虞賓晉太康地記曰舜避丹朱於此故以名縣百官從之故縣北有百官橋亦云禹與

諸侯會事訖因相虞樂故曰上虞二說不同未詳孰  
是縣南有蘭風山山少木多石驛路帶山傍江路邊  
皆作欄杆山有三嶺枕帶長江蒼蒼孤危望之若傾  
緣山之路下臨大川皆作飛閣闌干乘之而渡謂此  
三嶺為三石頭丹陽葛洪遁世居之并基存焉琅琊

王方平性好山水又愛澤

原本作爰宅蘭風義亦可  
通他本爰作愛者恐譌字

也但以為爰宅則  
又字似難通耳

蘭風

風下疑  
有脫文

垂釣於此以詠

疑作  
永

終朝行者過之不識問曰賣魚師得魚賣否方平答

曰釣亦不得復不賣亦謂是水為上虞江縣之東  
郭外有漁浦湖中有大獨小獨二山又有覆舟山覆  
舟山下有漁浦王廟廟今移入裏山北三山孤立水  
中湖外有青山黃山澤蘭山重岫疊嶺參差入雲澤  
蘭山頭有深潭山影臨水水色青綠山中有諸塢有  
石槌所右臨白馬潭潭之深無底傳云創湖之始邊  
塘屢崩百姓以白馬祭之因以名水湖之南即江津  
也江南有上塘陽中三里隔在湖南常有水患太守

孔靈符過峯山前湖以為埭埭下開瀆直指南津又  
作水捷二所以舍此江得無淹漬之害縣東有龍頭  
山山崖之間有石井冬夏常冽清泉南帶長江東連  
上陂江之道南有曹娥碑娥父盱迎濤溺死娥時年  
十四哀父尸不測疑作得乃號踴江介因解衣投水呪  
曰若值父尸衣當沈若不值衣當浮裁落便沈娥遂  
於沈處赴水而死縣令度尚使外甥邯鄲子禮為碑  
文以彰孝烈江濱有馬目山洪濤一疑作直上波隱是

山勢淪岫亭間歷數縣行者難之縣東北上亦有孝子楊威母墓威少失父事母至孝常與母入山採薪為虎所逼自計不能禦於是抱母且號且行虎見其情遂弭耳而去自非誠貫精微孰能理感於英獸矣又有吳瀆破山導源注于胥江上虞江東逕周市而注永興地理志曰縣有仇亭柯水東入海仇亭在縣之東北一十里江北柯水疑即江也又東北逕永興東與浙江合謂之浦陽江地理志又云縣有蕭山潘



水所出東入海又疑是浦陽江之別名也自外無水以應之浙江又東注于海故山海經曰浙江在其東在閩西北入海韋昭以松江浙江浦陽江為三江

斤江水出交趾龍編縣東北至鬱林領方縣東注于鬱地理志云逕臨塵縣至領方縣注於鬱

容容夜繡湛乘牛渚湏無無濡營進皇無地零侵黎侵黎水出廣州晉興郡郡以太康中分鬱林置得至臨塵入鬱

無會重瀨夫省無變由蒲王都融勇外此皆出日南郡

西東東入于海

漢地理志日南郡有小水十六并行三千二百八十里屬交州此無會諸水蓋

十六水之名也

容容水在南垂名之以次轉北也右三十水從江已

南至日南郡也

嵩高為中岳在潁川陽城縣西北

春秋說題辭曰陰含陽故石凝為山國語曰禹封九

山山土之聚也爾雅曰山大而高曰崧合而言之為

崧高分而名之為二室西南為少室東北為太室嵩

高山記曰山下巖中有一石室云有自然經書自然

飲食又云山有玉女臺言漢武帝見因以名臺

紀異志嵩

山有玉女擣帛石立秋前一日中夜常聞杵聲

泰山為東岳在泰山博縣西北

岱宗也王者封禪于其山示增高也有金策玉檢之

事焉

霍山為南岳在廬江潛縣西南

天柱山也爾雅云大山宮小山曰霍開山圖曰其山上侵神氣下固窮泉

華山為西岳在弘農華陰縣西南

古文之惇物山也

禹貢云終南惇物至於鳥鼠按禹

然西傾朱圉鳥鼠至於太華已記之矣漢書云惇物山垂山也豈垂華字相亂耶禹貢云云乃朱本所

箋何氏駁之云若垂華相亂則漢書不當于京兆華陰下云大華山在南扶風武功下復云垂山矣況其地相去甚遠直鄠氏之誤耳括地志仍之蓋未尋繹禹貢叙惇物于終南之下鳥鼠之上乃自東而西也

雷首山在河東蒲阪縣東南

砥柱在河東大陽縣東河中

王屋山在河東垣曲縣東北也

昔黃帝受丹訣於是山也

太行山在河內野王縣西北

王烈得石髓處也

神僊傳王烈字長林邯鄲人嘗之太行山見山破石裂數百丈兩岸

皆青石石中有一穴有青泥流出如髓烈取泥試九之須臾成石噉之氣如梗米飯用搗少許示嵇叔夜

恒山為北岳在中山上曲陽縣西北

碣石山在遼西臨榆縣南水中也

大禹鑿其石右夾而納河秦始皇漢武帝皆嘗登之  
海水西浸歲月逾甚而苞其山故言水中矣

析城山在河東濩澤縣西南

太岳山在河東永安縣

壺口山在河東北屈縣東南

龍門山在河東皮氏縣西

梁山在馮翊夏陽縣西北河上

荆山在馮翊懷德縣南

岐山在扶風美陽縣西北

闕山在扶風汧縣之西也

禹貢無闕山漢志扶風汧縣有吳山在西古文以為汧山

周禮雍州之鎮曰吳山鄭云吳岳也

隴山終南山惇物山在扶風武功縣西南也

頃山在隴西臨洮縣西南

頃讀曰傾舊作頃據漢志改

禹貢中條山也

禹貢西傾因桓是來馬融王肅禹貢說云岍為北條西傾中條嶓冢南條

凡三條也

嶓冢在隴西氐道縣之南

南條山也

鳥鼠同穴山在隴西首陽縣西南

鄭玄曰鳥鼠之山有鳥焉與鼠飛行而處之又有止而  
同穴之山焉是二山也鳥名為鶖似鴉而黃黑色鼠如家  
鼠而短尾穿地而共處鼠內而鳥外孔安國曰共為雌雄杜  
彥達曰同穴止宿養子互相哺食長

大乃止張晏言不相為牝牡故因以名山

沈約宋書沙州甘谷

嶺北有雀鼠同穴或在山嶺或在平地雀色白鼠色黃地生黃紫花草便有雀鼠穴此雖非本注存之以



廣異  
間

積石在隴西河闕縣西南

山海經云山在鄧林東河所入也

都野澤在武威縣東北

縣在姑臧城北三百里東北即休屠澤也古文以為  
豬野也其水上承姑臧武始澤澤水二源東北流為

一水姑臧縣故城西東北流水側有靈源池

宋本作  
靈淵池

王隱晉書曰漢末博士燉煌侯瑾善內學語弟子曰

涼州城西泉水當竭有靈闕其上至魏嘉平中武威太守條茂起學舍築闕于此泉太守填水造起門樓與學闕相望泉源徙發重導於斯故有靈淵之名也澤水又東北流逕馬城東城卽休屠縣之故城也本匈奴休屠王都謂之馬城河又東北與橫水合水出姑臧城下武威郡涼州治地理風俗記曰漢武帝元朔三年改雍曰涼州以其金行土地寒涼故也遷於冀晉徙治此王隱晉書曰涼州有龍形故曰卧龍城

南北七里東西三里本匈奴所築也乃張氏之世居也又增築四城箱各千步東城殖園果命曰講武場北城殖園果命曰玄武圃皆有宮殿中城內作四時宮隨節游幸井舊城為五街衢相通二十二門大繕宮殿觀閣采綺妝飭凝中夏也其水側城北流注馬城河河水又東北清澗水入焉俗亦謂之為五澗水也水出姑臧城東而西北流注馬城河河水又與長泉水合水出姑臧東楮次縣王莽之播德也

按漢地理志楮

次縣屬武威郡孟康云楮音于如反次音咨舊本作楮誤西北歷黃沙阜而東北

流注馬城河又東北逕宣威縣故城南又東北逕平澤晏然二亭東又東北逕武威縣故城東漢武帝太初四年匈奴渾邪王殺休屠王以其衆置武威縣武威郡王莽更名張掖地理志曰谷水出姑臧南山北至武威入海屆此水流兩分一水北入休屠澤俗謂之為西海一水又東逕一百五十里入豬野世謂之東海通謂之都野矣

合離山在酒泉會水縣東北

合黎山也

流沙地在張掖居延縣東北

居延澤在其縣故城東尚書所謂流沙者也形如月生五日也弱水入流沙流沙與水流行也亦言出鍾山西行極崦嵫之山在西海郡北山有石赤白色以兩石相打則水潤打之不已潤盡則火出山石皆然炎起數丈暹日不滅有大黑風自流沙出奄之乃滅

其石如初言動火之事發疾經年故不敢輕近耳流沙又逕浮渚歷壑市之國又逕於鳥山之東朝雲國西歷崑山西南出於過瀛之山大荒西經云西南海之外流沙出焉逕夏后開開上三嬪于天得九辯與九歌焉又歷負立不死之西入於南海

據宋木補六字

三危山在燉煌縣南

山海經曰三危之山三青鳥居之是山也廣圓百里在鳥鼠山西即尚書所謂窳三苗於三危也春秋傳

曰允姓之姦居於瓜州瓜州地名也杜林曰燉煌古瓜州也州之貢物地出好瓜民因氏之瓜州之戎并於月氏者也漢武帝後元分酒泉置南七里有鳴沙山故亦曰沙州也

朱圉山在天水北冀縣南

即冀縣山有石鼓開山圖謂之天鼓山九州宮起則鳴有常應又云石鼓山有石鼓於星為河鼓星動則石鼓鳴石鼓鳴則秦土有殃鳴淺殃萬物鳴深則殃

君王矣

岷山在蜀郡湔氐道西

漢書以為瀆山者也

嶓冢山在弘農盧氏縣南

是山也穀水出其北林也

荆山在南郡臨沮縣東北

東條山也

漢地理志云禹貢北條荆山在馮翊懷德縣南其南條荆山在南郡臨沮縣東北此

云東條所未詳也

卞和得玉璞於是山楚王不理懷璧哭於



其下後玉人理之所謂和氏之玉焉

內方山在江夏竟陵縣東北

禹貢注章山也

大別山在廬江安豐縣西南

禹貢內方至於大別孔傳云二山在荊州漢所經也

荊州大別山在江夏郡此廬江大別疑非一小山

外方山崧高是也

桐柏山在南陽平氏縣東南

陪尾山在江夏安陸縣東北

衡山在長沙湘南縣南

禹治洪水血馬祭衡山於是得金簡玉字之書按省玉字得通水利也

九江地在長沙夏雋縣西北雲夢澤在南郡華容縣之

東東陵地在廬江金蘭縣西北

前後漢志廬江郡無金蘭縣按漢志廬江郡注

云金蘭西北有東陵鄉水經三十二卷注中有金蘭縣

敷淺原地在豫章歷陵縣西彭蠡澤在豫章彭澤縣北

尚書所謂彭蠡既渚陽鳥攸居也

中江在丹陽蕪湖縣南東至會稽陽羨縣入於海震澤  
在吳縣南五十里北江在毗陵北界東入於海

澤陽山在下邳縣之西

羽山在東海祝其縣南也

縣即王莽之猶亭也尚書殛鯀於羽山謂是山也山  
西有羽淵禹父之所化其神為黃能以入淵矣故山  
海經曰洪水滔天鯀竊帝之息壤以堙水不待帝命  
帝令祝融殺鯀於羽郊者也

陶丘在濟陰定陶縣之西南

陶丘立再成也

荷澤在定陶縣東雷澤在濟陰成陽縣西北荷水在山陽湖陸縣南蒙山在太山蒙陰縣西南大野澤在山陽鉅野縣東大邳在河南成皋縣北

爾雅曰山一成謂之邳然則大邳山名非地之名也

禹貢東過洛汭至于大伾鄭玄注云大伾山在修武武德之界張揖云成皋縣山也臣瓚漢書注云修武武德無此山而成皋又不一成今黎陽縣山臨河是大伾也

明都澤在梁郡睢陽縣東北益州沱水在蜀郡汶江縣西南其一在郫縣西南皆還入江荊州沱水在南郡枝

江縣三澁地之南在郫縣之北

沱當作沱漢志蜀郡汶江縣注江沱在西南東

入江南郡枝江縣注江沱出西東入江  
郫縣誤漢志南郡有郫縣疑轉寫謬也

尚書曰導漢水過三澁地說曰沔水東行過三澁合

流觸大別山陂故馬融鄭元王肅孔安國等咸以為

三澁水名也許慎言澁者埤增水邊土人所止也按

春秋左傳曰文公十有六年楚軍次於勺澁以伐諸

庸宣公四年楚令尹子越師於漳滏定公四年左司馬戍敗吳師於雍滏昭公二十三年司馬遠越縊於

蓬滏

左傳作遠滏何氏云遠滏或是左傳因上遠越而誤本作蓬也


服虔或謂之邑

又謂之地京相璠曰杜預亦云水際及邊地名也今南陽清陽二縣之間清水之濱有南滏北滏矣而諸儒之論水陸相半又無山源出處之所津途闕路唯鄭玄及劉澂之言在竟陵縣界經云邛縣北池然池流多矣

池當作池

而論者疑焉而不能辨其所在

右禹貢山水澤地所在凡六十



水經注集釋訂訛卷四十